

T9299/7990

34

CHINESE - JAPANESE LIBRARY OF  
HARVARD - YENCHING INSTITUTE  
41 HARVARD UNIVERSITY  
MAY 5 1941

天中記三十四卷

哈佛大學漢和  
圖書館珍藏印

陳耀文晦伯甫篋

男龍光校

觀察使

**按察**景雲三年置十道按察使開元三年曰十道按察

採訪處置使乾元元年改曰觀察置使以黃綬為建考

省刑為中考辦稅為下考唐百官志

**廉察**舜以五長綏四國若今之節制也周以士師掌諸

侯若今之廉察也集白

**本偶署名**李勉為江西觀察使部人有父病以憂去為

木偶人署勉名位塞于其隴或以告白為父讓美亦可

矜也捨之唐

**貨物投江** 李勉除廣州刺史兼嶺南節度觀察使尋後西域舶泛海至者歲終四五勉性廉潔舶來都不檢閱故未年至者四千餘在官累年器用車服無增飾及代歸至石門停舟悉搜家人所貯南貨犀象諸物投之江中耆老以為可繼前朝宋璟盧奐李朝隱之徒人吏請闕請立碑代宗許之上

**刺史戎服** 令狐峒授吉州刺史齊映廉察江西行部過吉州故事刺史始見觀察使皆戎服趨庭致禮映雖嘗為宰相然驟達後進峒自恃前輩有以過映不欲以戎服謁入告其妻常氏恥抹首趨庭謂峒曰卿自視何如

人白頭走小生前卿如不以此禮見映雖黜死我亦無恨峒曰諾即以客禮謁之映雖不言深以為憾映至州奏峒糾前政過失鞠之無狀不宜按部臨人貶衢州別駕上

**銀瓶八尺** 齊映為江西觀察使常以頃為輔相無大過而罷冀其復入用乃倍歛貢奉及為大金銀器以希旨先是銀瓶高者五尺餘李兼為江西觀察使乃進六尺者至是因帝誕日端午映為瓶高八尺以獻

**配享學宮** 常袞建中初起為福建觀察使始閩人未知學袞至為設鄉校使作為文章親加講導與為客主釣禮觀游燕饗與焉由是俗一變歲貢士與內刑等其後

閩人春秋配享於學宮云

**美譽四騰**

吳湊德宗初出為福建觀察使政勤清美

四騰與宰相竇參有憾參數加短駮又言湊風痺不主

趨走帝召還驗其疾非是錄是不宜參擢湊陝虢觀察

使代李翼翼參黨也

**吏稱神人**

崔咸字重易陝虢觀察使自旦至暮與竇參

痛飲恒醉不醒簿領堆積咸夜分省覽部判決斷無毫

釐之差胥吏以為神人

**立祠刻石**

常丹字文明為江南西道觀察使丹計口受

俸委餘於官罷八州冗食者收其財始民不知為瓦屋

草茨竹椽久燥則夏而焚丹召工教為陶聚材於場度

其費為估不取贏利有吏生倉十年丹覆其糧亡三年

斛丹曰吏豈自費邪籍其家盡得文記乃權吏所奪丹

召諸吏曰若恃權取於倉罪也與若期一月還之皆頓

首謝及期無敢違大和中裴誼觀察江西上言為丹立

祠堂刻石紀功不報

**清忠惠民**

王緯字文仲大曆中與李泌俱為路嗣恭江

西觀察判官泌見惡於元載嗣恭希意殺之緯護解

僅免泌執政奏於已忘私恩德宗許為送報故進歸給

事中浙西觀察使缺泌擬緯帝曰是朕為君報德者乎

黃門要地獨不留議事邪對曰浙西賦入尤劇當清而

忠能惠養民故請遣之制可

愛宣州元和中郎吏數人省中縱酒詔平生各在愛白  
及憎怕者或言愛圖畫及特奕或怕妄與伎工部員本  
周憲獨云愛宣州觀察使怕大蟲詩

**世官**宣宗因讀元和實錄見故江西觀察使常昇政事  
卓異問宰臣孰為升後宰臣周墀奏臣近任江西觀察

使見升行事餘風遺愛至今在人其子宙見任河陽觀  
察判官上曰速與好官持憲者聞之奏為侍御史東觀

久之拜江西觀察使政簡易南方以為世官宙弟岫字  
伯起盧攜舉進士陋甚岫獨謂攜必大用攜執政岫自

泗州刺史擢福建觀察使云新

**蘭亭絕唱**元慎字微之為浙東觀察使會稽山水奇秀

積所辟幕職皆當時文士而境湖秦望之遊月三四焉  
而諷詠詩什動盈卷帙副使竇璿海內詩名與積酬唱  
最多至今稱蘭亭絕唱

**三世觀察**崔郾字廣畧昭愍時為陝州觀察使舊弊有  
上供不足奪吏俸以益之歲八十萬郾以廉使常用之

直代之居二年政績聞於朝遷鄂岳浙西觀察使至用  
寬政安疲人及居鄂渚則峻法嚴刑未常貫一死罪江

湖之間崔蒲是叢因造蒙衝小艦上下千里暮月而盡  
獲群盜凡三按廉車率由清簡少事財用有餘人遂寧

泰子瑤歷浙西鄂岳觀察使瑾為湖南觀察使上  
儉於自奉李德裕為浙西觀察使先是潤州承王國清

兵亂之後前使竇易直傾府藏賞給軍旅竄驕財用殫竭德裕儉於自奉留州所得盡以贍軍雖施與不豐將卒無怨二年之後賦輿復集

**下詔褒揚**江嶺之間信巫祝惑鬼怪有父母兄弟屬疾者舉室棄之而去李德裕欲變其風擇鄉人之有識者論之以言繩之以法數年之間弊風頓革屬郡祠廟按

方志前代名臣賢后則祠之四郡之內除淫祠一千一十所又罷私邑山房一千四百六十以清寇盜人樂其政優詔嘉之

**獻丹宸箴**敬宗荒僻日甚大臣罕得進言李德裕身居廉鎮傾心王室竟在切諫不欲斥言遣使獻丹宸箴六

首以畫意宵衣諷坐朝稀晚也正服諷服御乖異也罷獻諷徵求玩好也納誨諷侮棄讜言也辨邪諷信任群小也防微諷輕出遊幸也帝雖不能盡用其言命學士韋處厚殷勤答詔頗嘉納其心焉

**游曲江**裴休廉察宣城未離京值曲江荷花盛發同省

名士遊賞自慈恩寺各屏左右隨以小僕步至紫雲樓下見數人坐於水濱裴與朝士憇其旁中有黃衣半醉軒昂指顧笑語輕脫裴意稍不平揖而問之吾輩所任何官率爾對曰喏即不敢新授宣州廣德令及問裴曰擢衙所任何職裴效之曰喏即不敢新授宣州觀察使於是狼狽而走朝士撫掌大笑不數日布於京華後

感

於金司訪之云有廣德令請換羅江矣宣皇在藩  
是說與諸王每為戲談及龍飛裴入相因書麻制  
經近日若即不敢新授中書門下平章事  
高郵處誨族父朗為定州節度使時處誨為工部侍郎  
因早朝假寐於待漏院忽夢已為浙東觀察使經過汴  
州而朗為汴帥留連飲餞仰視屋棟飾以黃土實從省  
所識明年朗果自定州鎮宣武辟常重掌書記重將行  
處誨告以所夢明年秋處誨授浙東觀察使行及潼關  
朗遣從事迎勞仍致手書令先所夢比至汴宴於清  
暑亭賓佐悉符夢中朗仰視屋棟曰此亦黃土也四座  
感移時處誨繼為即度刻詩願事以盡思朗之悲舊

京兆尹

京兆尹地高曰京左傳曰莫之與京十億曰兆大衆所

聚故曰京兆

漢注登  
羸秘錄

河南尹河南尹所治周地也洛陽本成周周之衰微分

為東西周秦兼天下置三川洛河伊也漢更名河南武

帝更云太守世祖中興徙都洛陽改號為尹尹正也詩

云赫赫師尹

應劭漢  
官義

平反雋不疑字曼倩為京兆尹京師吏民敬其威信每

行縣錄囚徒還其母輒問不疑有所平反活幾何人取

不疑多有所平反母喜笑為飲食語言異於他時或亡

所出母怒為之不食故不疑為吏嚴而不殘後趙廣漢

天中已



為京兆尹言我禁姦止邪行於吏民至於朝廷事不及  
不疑遠甚漢書

**發姦擿伏**趙廣漢字子都為京兆尹以和顏接士推功

於掾吏發於至誠吏見者皆輸寫心腹廣漢精於吏事  
尤善為鈎鉅以得民情其發姦擿伏如神冬獄當斷先  
為請棺皆曰死無所恨後以魏相夫人殺婢事為蕭望  
之劾奏下廷尉吏民守闕號泣者數萬人或言臣生無  
益縣官願代趙京兆死使得牧養小民廣漢竟坐要斬  
廣漢雖坐法誅為京兆尹廉明威制豪強小民得職京  
兆政青吏民稱之不容口長老傳以為自漢興以來治  
京兆者能及百姓追思歌之至今上

**發伏禁姦**張敞字子高時相川太守黃霸以治行第一

入守京兆尹霸視事數月不稱罷歸頽川於是頽以敞守  
京兆尹自起廣漢誅後比更守尹如霸等數人皆不稱  
職京師寤廢長安市偷盜尤多百賈苦之敞既視事求  
問長安父老偷盜者數人皆召見責問因責其罪犯  
其宿負令致諸偷以自贖一日捕得數百人窮治所犯  
或一人百餘發盡行法罰由是抱鼓稀鳴市無偷盜天  
子嘉之其治京兆各循趙廣漢之迹方畧耳自發伏禁  
姦不如廣漢京兆典京師長安中浩穢於三言尤為劇  
父者不過三年惟廣漢及敞為父任職敞為京兆自是  
每有大議引古今處便宜公卿皆服天子數賞之後漢

揚惲厚善被劾奏寤不下敝使賊捕探惲有所奉  
舜以敝劾奏當免不肯為敝竟事私歸其家人或謂  
曰吾為是公盡力多矣今五日京兆耳安能復事  
敝聞舜語即部吏收舜繫獄驗治舜竟致其死事舜當  
出死敝使主簿共教告舜曰五日京兆竟何如冬月已  
盡延命乎乃棄舜市

**撥劇整亂**

王尊字子贛成帝時南山群盜備宗等數百  
人為吏民害發軍擊之不能得王鳳薦尊為京兆尹旬  
月間盜賊清後以劾匡衡被劾左遷為高陵令病免史  
多稱惜之胡三公乘輿等上書訟尊治京兆功效曰  
長安宿大積為百姓射狼更數二千石二十年莫能

禽討尊以正法案誅皆伏其辜尊撥劇整亂誅暴禁邪  
皆前所稀有名將所不及尊以京師廢亂群盜並興選  
賢徵用起家為卿賊亂既除豪猾伏辜即以佞巧廢黜  
一尊之身三期之間乍賢乍佞豈不甚哉奏書復以尊  
為徐州刺史

**以選代**

王章字仲卿成帝時為司隸校尉大臣貴戚敬

憚之王尊免後代者不稱職章以選為京兆尹特帝舅  
王鳳輔政章雖為鳳所舉非鳳專權不親附鳳會日蝕  
章奏封事召見言鳳不可任用遂為鳳所陷罪至大逆  
章為京兆二歲死不以其罪衆庶冤紀之號為三王王  
駿即王陽子也

**三王**王駿為司隸校尉奏免丞相匡衡遷少府成帝欲大用之出駿為京兆尹試以政事先是京兆有趙廣漢張敞王尊王章至駿皆有能名故京師稱曰前有趙張後有三王上

**擢舉蒙強**翟方進字子威為丞相司直旬歲間免兩司隸朝廷由是憚之上以為任公卿欲試以治民徙方進為京兆尹擢擊豪彊京師畏之時胡常為青州刺史聞之與方進書曰竊聞政令甚明為京兆能則恐有所不宜方進心知所謂其後少弛威嚴上

**名重朝廷**袁安字邵公為河南尹政號嚴明然未曾以臧罪鞫人常稱曰凡學仕者高則望宰相下則希牧守

錮人於聖世尹所不忍為也謂之者皆感激自勵在職  
十年京師肅然名重朝廷後漢

**一君**延篤字叔堅為京兆尹其政用寬仁憂恤民黎擢用長者與參政事郡中歡愛三輔咨嗟焉先是陳留邊鳳為京兆尹亦有能名郡人為之語曰前有趙張三王後有邊延二君上

**天下愜心**楊彪字文先為京兆尹先和中黃門令王甫

使門生於郡界辜權官財物七千餘萬彪發其姦言之司隸司隸校尉楊球因此奏誅甫天下莫不愜心上

**恩威愛訓**李燮字德公為京兆尹時既以貨賂為官詔書復橫發錢三億以實西園尹上封事為此橫調并陳

禍敗辭意深切遂止不發尹履潔白之節秉執忠義吏  
民愛敬作歌曰我府君道教舉恩如春威如虎愛如母  
訓如父別傳

**長揖爭禮** 重卓廢少帝自公卿已下莫不卑下於卓唯  
京兆尹蓋勳長揖爭禮見者皆為失色卓問王允曰欲  
得快司隸誰可者允曰唯有蓋京兆可卓曰此人明智  
有餘然不可假以雄職乃以為越騎校尉復出為潁川

太守英雄記

**私請不行** 司馬芝字子華黃初中為河南尹抑疆扶弱  
私請不行魯內官欲以事託芝不敢發言因芝妻伯父  
冀昭昭猶憚芝不為通芝為教與群下曰蓋君能設教

不能使吏必不犯也吏能犯教而不能使君必不聞也  
夫設教而犯君之劣也犯教而聞吏之禍也君劣於上  
吏禍於下此政事所以不理也可不各勉之哉於是下  
吏莫不自勵魏志

**秉憲不撓** 劉靖為河南尹散騎常侍應璩書與靖曰入  
作納言出臨京任富民之術日引月長加以明黜幽  
微重之以秉憲不撓有司供承王命百里垂拱仰辨難  
昔趙張三王之治未足以方也靖為政初雖如季康  
於百姓便之有馥遺風止

靖馥子也御覽云馥字子靖應璩以書與子靖云  
**德教為本** 傳嘏字蘭石為河南尹內掌帝都外統京畿

兼古六鄉六遂之士其民異方雜居多豪門大族商賈  
胡貌天下四方會利之所聚而姦之所生前尹司馬之  
舉其綱而太簡次尹劉靜綜其目而太密後尹李勝變  
當法以收一時之聲嘏立司馬氏之綱統裁劉氏之細  
目以經緯之李氏所毀以漸補之其治以德教為本然  
持法有恒簡而不可犯見理識情獄訟不加橫楚而得  
其實不為小惠有所薦達及大有益於民事皆隱其端  
迹若不由已出故當時無赫赫之名吏民久而後安之

子傳

**吏民疲道** 顏斐尹京兆為十郡最徙平原太守吏民號

泣遮道步涉稽留日行數十里及卒立碑作頌焉良吏傳

**百郡之首** 武帝咸寧三年詔曰河南百郡之首其風教

宜為遐邇所模以導齊之侍中奉車都尉王恂忠亮篤

誠才兼外內明於治化其以恂為河南尹晉書

**帝王所都皆曰尹** 京兆尹總理衆務皆曰尹南朝曰丹

陽尹後魏初曰代尹東魏曰魏尹齊曰清都尹通典

**夜事親昵** 陶回性雅正不憚彊禦丹陽尹桓景佞事王

導甚為導所昵回常慷慨謂景非正人不宜親狎會景

惑守南斗經句導語回曰南斗楊州分而災惑守之吾

當遜位以厭此譴回答曰公以明德作相輔弼聖主當

親忠貞遠邪佞而與桓景造膝焚惑何由退舍導深愧

之傳

天

二

蘇峻新平温庾諸公以朝廷初復京尹宜得望實  
唯孔君平可以處之孔固辭二公逼諭甚苦孔教然曰  
先帝大漸卿輩身侍御床口行詔令孔坦是時正藥臣  
耳何與國家事不可今日喪亂而猥見逼迫吾想豆土  
腐肉任人割贈截耶庾愧不能答語林晉  
棠棣碑賈敦頤永徽五年為洛州長史時豪富之室皆  
籍外占田敦頤都括獲三千餘頃以給貧乏又發姦捕  
伏有若神明弟敦實咸亨元年為洛州長史甚有惠政  
初敦頤為洛州刺史百姓共樹碑于大市通衢及敦實  
去職復刻石頌美立千兄之碑側時人號為棠棣碑唐  
前賈後張張仁愿本名仁亶神龍二年兼檢校洛州長

史時都城穀貴盜竊甚衆仁愿一切皆捕獲杖殺之積  
屍府門遠近震懼無敢犯者初高宗時賈敦頤為洛州  
刺史亦有政績與仁愿皆為一時之最故時人為之語  
曰洛州有前賈後張可敵京兆三王其見稱如此上

**總理衆務**唐京兆府本為雍州置牧一人以親王為之

多以長史理人置別駕以領州事永徽中改別駕為長  
史開元初改雍州長史為京兆尹總理衆務唐書

**河南尹**武德四年置洛州都督貞觀十七年改為刺史

顯慶二年置東都改刺史為長史開元元年改洛州為  
河南府改長史為尹其牧尹之制一如京兆上

**理告子罪**李傑為河南尹有寡婦告其子不孝其子不

能自理但云得罪於母死所其分傑察其狀非不孝乎  
謂寡婦曰汝寡居唯有一子今告之罪至死得無悔乎  
寡婦曰子無賴不順母寧復惜乎傑曰審如此可買棺  
木來取兒尸因使人覘其後寡婦既出謂一道士曰事  
了矣俄持棺至傑尚冀有悔再三喻之寡婦執意如初  
道士立於門外密令擒之一訊承伏與寡婦私通常為  
兒所制故欲除之傑放其子杖殺道士及寡婦便同棺  
盛之國史異纂

**為政得人** 李峴遷將作監改京兆尹所在皆著聲績天  
寶十三載連兩六十餘日宰臣楊國忠惡其不附已以  
兩災歸咎京兆尹乃出為長沙郡太守時京師米麥踊

貴百姓謠曰欲得米粟賤無過進李峴其為政得人心  
如此唐舊唐書

**兄弟京兆** 李叔明字晉兄仲通字向天寶末為京兆尹  
叔明乾元中為京兆中長安歌曰前尹赫赫具瞻允若  
後尹熙熙具瞻允斯新

**豪右屏跡** 李朝隱為河南尹政甚清嚴豪右屏跡時太  
子勇趙常奴恃勢侵害平人朝隱曰此而不繩何以為  
政執而杖之上聞又降勅書慰勉之唐書

**具鑰** 李勉字玄卿大曆二年為京兆尹兼御史大夫疏  
尚簡肅宦官魚朝恩為觀軍容使仍知國子監事情寔  
含威天憲在舌前尹黎幹寫心候事動必求媚每朝憲

入監傾府人吏具數百人之餼以待之及勉莅職旬月  
朝恩入監府吏先期有請勉曰軍容使判國子監事勉  
候太學軍容宜厚具主禮勉忝京尹軍容儻惠顧府吏  
豈敢不具氣饌朝恩聞而銜之因不復至太學勉亦事  
受代舊

**政尚簡約**張延賞大曆二年為河南尹河洛久當兵衝  
閭井丘墟延賞勤身率下政尚簡約疏通河渠脩築官  
廟數年間流庸歸附邦畿復完詔書褒美焉上

**繼延賞**鄭珣瑜為河南尹送迎中使皆有常處人吏窺  
之馬足差跌不出三五步議者以珣瑜為河南尹可繼  
張延賞而重厚堅正前後莫有及林語

**面授京尹**貞元十四年春夏旱穀貴人多流亡京兆尹  
韓皋以政事不理黜官上召吳濬面授京兆尹即拜今  
視事經宿方下制湊孜孜為理以勤儉為務冬樂其政  
唐德宗貶皋撫州司馬詔曰京邑為四海之制長吏受  
親人之寄皋處理無方宜加懲上

**決斷無差**初府掾吏以吳濬起自成善不習厚儀死有  
疑獄難決之事多候湊將出時方呈其免若道環病湊  
雖倉卒閱視必指其盜倖之處下筆決斷無差蓋之差  
掾吏非大過不行笞責而召面按則詰責而釋之是尤  
惕厲庶務咸舉上

**饒常立辨**德宗非時召拜吳濬為京兆尹便令是上奏



疾驅諸客至府已列筵矣或問曰何遠吏曰帝重其有禮席舉錡釜而取之故三五百人饌常可立辦

**蒙右欽迹**

許孟容字公範為京兆尹神策使李昱假

長安富人錢八千貫滿三歲不償孟容遣吏收捕械繫克日命還之日不及期當死自興元以後禁軍有功又中貴之尤有渥恩者方得護軍故軍士日益縱橫府縣不能制孟容剛正不懼以法繩之一軍盡驚寃訴於上立命中使宣旨令送本軍孟容繫之不遣中使再至乃執奏曰臣誠知不奉詔當誅然臣職司輦轂合為陛下彈抑豪強錢未盡輸是不可得上以其守正許之自此豪右欽迹威望大震出為河南尹亦有威名

**比趙廣漢**

劉栖楚為京兆尹推抑豪右不顧患難事無

大小必設鉤鉅故時人重之或稱其機變往往有類於

西漢時趙廣漢者上栖楚為京兆尹號令嚴明誅罰不

避權勢先是京城惡少及屠沽商販多繫名諸軍不遵

府縣法令以陵衣冠奪貧弱為事有罪即逃入軍中無

由追捕劉公為尹一皆窮治至有匿軍中名目自稱百

姓者旬朔內坊市姦偷宿猾攝氣屏跡余嘗與友生入

市市內有一軍人乘醉誤喫友生驢過旁諸少年譟曰

癡男子死日到敢近衣冠耶人人似頭上各有一劉尹

慄慄汗懼不敢為非而與屬吏言未嘗傷氣不叱責一

官人常謂府縣僚曰諸公各有自了本分公事暗天美

景任恣意遊賞勿致拘束

因謹錄

**取則之地** 柳公綽字起之拜京兆尹將赴府上有神策

軍小將乘馬不避公於街中杖煞之及因對駁憲宗正色詰公專煞之狀公曰京兆尹在取則之地臣初授陞

下獎擢軍中偏裨躍馬衝過此乃輕陛下與法不獨我

臣臣知杖無禮之人不知打神策軍將上曰卿何不奏

公曰臣只合夾不合奏上曰既死合是何人奏公曰在

街中本街使金吾將軍奏若在坊內則左右巡使奏上

乃止上公綽字寬小字起之唐

**彈壓為先** 柳仲郢字諭蒙綽子也李德裕奏為京兆尹

既干泉訴表甥劉詡歐母詡為禁軍小校仲郢不俟奏

下杖殺為北司所譖後出為河南尹以寬惠為政言事

者以為不類京兆之政仲郢曰鞶韞之下彈壓為先郡

邑之治惠養為本何取類耶補仲郢為京兆者吏入粟

遠納仲郢殺而尸之自是人無敢犯政既嚴明父子更

九鎮五為京兆再為河南唐

**端亮官清** 張正甫為河南尹裴中令代淮西置宴府西

亭裴公舉一人詞藝好解頭張正色曰相公此行何為

也何記得河南府解頭中令有慙色補正甫字

而端亮溢官清強居外任所至稱理唐

**肅** 李訓之亂宰相京兆尹皆死勅宣張仲方為京兆

將軍人橫恣仲方脂常坐不稱職出為華州刺史

杖殺禁軍薛元賞代張仲方為京兆尹元賞常詣李石  
第聞石方坐聽事與一人爭辯甚喧元賞使覘之云有  
神策軍將訴事元賞趨入責石曰相公輔佐天子起  
四海今近不能制一軍將使無禮如此何以鎮服四夷  
即趨出上馬命左右擒軍將俟於下馬橋元賞至則已  
解衣跣之矣其黨訴於仇士良士良遣宦者召之曰  
尉屈大尹元賞曰屬有公事行當繼至遂杖殺之乃白  
服見士良士良曰癡書生何敢杖殺禁軍大將元賞曰  
中尉大臣也宰相亦大臣也宰相之人若無禮於中尉  
如之何中尉之人無禮於宰相庸可恕乎中尉與國同  
體當為國惜法元賞已囚服而來惟中尉死生之士良

杖殺惡少

薛元賞代張仲方為京兆尹元賞常詣李石

市多俠少年以紫墨鏡膚夸詭力剽敎坊間元賞到府  
三日收惡少杖死三十餘輩陳諸市於黨懼爭以火威  
其文元賞長吏事能推言時弊件白之禁苑怙勢擾府  
縣元賞數與爭不少縱由是軍暴折戢百姓頌安

風世嚴

薛元賞為京兆尹武宗謂宰相曰或風甚嚴

唯屬軍者即令守取勅文李德裕奏京尹若律法不  
借與之作主則無由為德帝曰灼然

帝欽手

帝澳為京兆尹豪右欽手國舅鄭元岳不納

租澳繫其主者期以五日不足必抵法太后為言之

延英問澳澳具奏本末上曰今日納租放否曰尚在  
內來日即不得矣澳既出半夜上連召之曰國舅在租  
今日納足放主者否曰澳必放上入告太后曰重與不  
可犯且與送錢納却頃刻而租足東觀漢記  
**李摩雲**李罕之僖宗末為河南尹每討無不擒之嘗  
兵於蒲絳之也有山曰摩雲土人設堡於上號摩雲寨  
前後不能取罕之至則下馬目為李摩雲

**立地京兆**鄭戩知開封府時有京吏馮士元者狡猾佞  
姦乃通結權貴恣為姦賊自尹而下至于權判官往往  
皆為持中權柄多出於士元偷弄威勢以刑禍于人京  
師流為立地京兆宋史

來交易貨賄簿書連及近臣而權貴多為之請戩俱不  
顧案成流於海島於是府中走吏而下自夕戰汗服慄  
姦惡逃竄都下肅然東都事畧戩字天休府吏馮士元為姦  
利有告士元受賕藏禁書者戩窮治之辭連宰相呂夷  
簡知樞密院盛度叅知政事程琳遂逮捕夷簡子公綽  
公弼叅劾其狀既而士元流海島度琳坐嘗交關士元  
罷去其餘絀罰者自御史中丞孔道輔天章閣待制龐  
籍又十餘人朝議畏其激核宋史

**笑比河清**包孝肅尹京號為明察有編民犯法當杖脊  
吏受賕與之約曰今見尹必付我責狀汝第呼辨我與  
汝分此罪汝決杖我無決杖既而包引囚問畢果付吏

責狀囚如言紛辨不已吏大聲呼之曰但受春杖出去  
何用多言包謂其市權斥吏於庭杖之十七特寬囚罪  
上從杖坐以沮吏勢不知為其所賣卒如所約小人每  
回難防也孝肅天性峭嚴未嘗有笑人謂希仁笑此黃  
河清筆談

**范君**范仲淹為禮部員外郎天章閣待制權知開封府  
欲撓以煩劇而不暇他議仲淹明敏通照決事如神京  
師謠曰朝庭無憂有范君京師無事有希文死談

**驚以為神**張文定公方平知開封府府事繁為尹者皆  
書板以記事公獨不用默記數百以次決遣不遺毫髮  
吏民驚以為神不敢復欺東坡集

少尹

**少尹**京兆少尹魏晉以來治中之任隋文帝改為司馬  
煬帝又改為贊治後又改為丞武德初復為治中永徽  
元年以太皇諱改為司馬開元元年並改為少尹通典

**亞尹**故事內史歎未補間亞尹得行大京兆事試可而  
即真者往往有之白張平叔雖有忠實委為正人而  
貳之實資亞理上孟存大京兆京兆尹也小京兆少尹

也亦謂之亞尹海錄

**決三輔渠**李元絃開元初為京兆少尹尋有詔令元絃

疏決三輔渠時諸王公權要之家皆緣渠立墻以害水  
田元絃令吏人一切毀之百姓大獲其利唐書

**公直正法**李愷為東京少尹特蕭良為尹侏倚權貴蒞事多不法愷以公直正之人用紫額道士孫旣生以左道求進託以脩功德往來嵩山求請無度愷必挫之

**副牧務**郭行餘擢累京兆少尹嘗與李暹相執楚不肯進

**栖楚補**事從繁之自言宰相裴度頗為論止行餘移書曰京兆府漢時有尹有都尉有丞皆諸自除後然而不改開元時諸王為牧故尹為長史司馬即都尉丞耳今尹總牧務少尹副焉未聞道路間有下車望塵避者故事猶在栖楚不能吞

**使行聘禮**李承勳累遷至太原少尹劉守光之僭號也

莊宗遣承勳往使伺其釁端承勳至幽州見守光如藩

方交聘之禮謁者曰燕王為帝矣可行朝禮承勳曰吾大國使人大原亞尹是唐帝除授燕主自可臣其部人安可臣我哉守光聞之不悅拘留於獄數日出而訊之曰臣我乎承勳曰燕君能臣我王則我臣之吾有死而已安敢辱命會王師討守光承勳竟沒於燕中

刺史

**州牧**黃帝立四監以治萬國唐有九州舜置十二州有牧夏為九州牧殷周八命曰牧

**郡守**漢景帝更名郡守為太守凡在郡國皆掌治民

賢勸功決訟檢姦

**吏民之本**宣帝以為太守吏民之本教變易則下不

民知其將久不可欺罔乃服從其教化每拜刺史守相  
輒親見問觀其所繇退而考察所行以質其言有名實  
不相應必知其所以然常稱曰庶民所以安其田里而  
亡歎息愁恨之心者政平訟理也與我共此者其唯良  
二千石乎是故漢世良吏於是為盛稱中興焉前漢  
**學比齊魯**文翁景帝末為蜀郡守仁愛好教化見蜀地  
辟陋有蠻夷風上本無學士文翁遣相如東受七經還  
教吏民於是蜀學比於齊魯故地里志曰文翁倡其教  
相如為之師漢家得士盛於其世蜀志至武帝時乃令天  
下郡國皆立學校官自文翁為之始云文翁終於蜀吏  
民為之祠堂歲時祭祀不絕至今巴蜀好文雅文翁之

白骨未收者為之墳墓不收歛者皆加  
貶責由是百姓感化化酒大會郡中耆老相  
與流涕而歎曰吾等投老更得父母死將何恨又童謠  
曰幸哉遺民免豺虎三辰既朗遇慈父玄酒清醪牛  
脯亦何報恩歌且舞列傳

**剖符作宰**索稜字孟則燉煌人好學博文姚長善重之  
委以機密文章詔檄皆稜之文也後為平原太守以德  
化民民畏而愛之歌曰懿矣明守庶績允蓋剖符作宰  
實獲我思崔鴻十六國春秋前秦錄

**之郡慨嘆**殷仲文既素有名望自謂必當阿衡朝政忽  
作東陽太守意甚不平及之郡至富陽慨然嘆曰看此

山川形勢當復出一孫伯符世說東陽峴山舊名三丘山

俾文除東陽太守意甚不樂嘗登此山悵然流涕郡人

愛之如襄陽之於叔子因名峴山二峯相峙有東峴西

峴唐寶曆中縣令于輿宗結亭其下名曰丞碧韻語

統志義熙間殷仲堪為東陽太守嘗登三丘山悵望

後人思之名曰峴山按仲堪為荊州云東陽也誤

**二始**顏延之字延年文章冠絕當時時尚書傳亮自以

文義一時莫及延之負其才不為之下亮甚疾焉遷始

安太守謝晦謂延之曰昔荀勗忌阮咸斥為始平郡今

卿又為始安可謂二始黃門即殷景仁亦謂之曰所謂

人惡俊異世疵文雅後復為劉湛所恨出為永嘉太守

於行誼可謂賢人君子矣書不云乎股肱良哉其賜爵

關內侯上五鳳三年代邴吉為丞相霸材長於治民及

為丞相總綱紀號令風采不及邴魏于定國功名損於

治郡時上御覽良哉下有元首明哉句袁甫曰人各

有能有不能黃霸馳名於州郡而息譽於京邑晉書

**宣風化**益州刺史王褒欲宣風化於襄慶聞王褒有俊

材請與相見使褒作中和樂職宣布詩選好事者令依

鹿鳴之聲習而歌之因奏褒有軼材上通鑑褒既至詔

褒為聖主得賢臣頌上

**帝牛佩**宣帝時渤海廢亂以冀遂為太守遂對曰海

瀕遐遠不霑聖化其民困於饑寒而吏不恤故使陛下



赤子盜弄陛下之兵於潢池中耳臣聞治亂民猶治亂  
繩不可急也唯緩之然後可治臣願丞相御史且無拘  
臣以文法得一切便宜從事上許焉遂移書勅屬縣悉  
罷捕逐盜賊吏單車獨行至府郡中翕然盜賊亦皆罷  
民有帶持刀劍者使賣劍買牛賣刀買犢曰何為帶牛  
佩犢上

**不干以私**尹翁歸字子元既徵拜東海太守過辭廷尉  
于定國定國家在東海欲屬託邑子兩人令坐後堂待  
見定國與翁歸語終日不敢見其邑子既去定國乃謂  
邑子曰此賢將汝不任事也又不可干以私翁歸治東  
海明察郡中吏民賢不肖及姦邪罪名盡知之以一

百吏民皆服恐懼改行自新莫敢犯禁東海大治以高  
第八守右扶風滿歲為真選用廉平治如在東海故亦  
在京師畏其威嚴扶風大治盜賊課常為三輔最翁歸  
為政雖任刑其在公卿之間清案自守語不及私然溫  
良嘆退不以行能驕人甚得名譽於朝廷三子皆為郡  
守上

**少府**召信臣字翁卿上蔡長其治視民如子游居先  
稱述遷南陽太守其治如上蔡吏民親愛之其子石父  
荊州刺史奏信臣為百姓興利郡以殷富遷河南太守  
治行常為天下第一竟寧中徵為少府非法貪污奏  
罷省費歲數千萬信臣年老以官卒元始四年遷

百辟卿士有益於民者蜀郡以文翁九江以召父應書歲時郡二千石率官屬行禮奉祠信臣家而南陽亦為立祠上

**君**馮立字聖卿竟寧中為五原太守徙西河上郡立居職公廉治行畧與野王相似而多知有恩其好為條教吏民嘉美野王立相代為太守歌之曰大馬君小馬君兄弟繼踵相因循聰明賢知惠吏民政如魯衛德化鈞周公康叔猶二君後遷為東海太守下溼病痺天子聞之徙立為太原太守更歷五郡所居有迹上

**杜母**杜詩字君公為南陽太守性節儉而政治清平以詩暴立威善於計畧省愛民役造作水排鑄為農器用

力少見功多時人方於召信臣故南陽人為之語曰前

有召父後有杜母東觀漢記

**總大體**馬援字文淵為隴西太守務開寬信恩以待下任吏以職但總大體而已賓客故人日滿其門諸曹時白外事輒曰此丞掾之任何足相煩若大姓侵小民黠羗欲旅距此乃太守事耳上

**吏朝拜泣**蔡彤為遼東太守彤之感聲揚於北方胡夷皆來外附野無風塵乃悉罷緣邊屯兵及彤卒烏桓鮮卑追思無已每朝京師過彤家拜謁仰天號泣乃去上

**劉寬**歷典三郡吏民有過蒲鞭示辱後安世五年南陽葦杖未足比其仁選蒲鞭葦杖示有刑子

持雨郭及為潁川化如時雨潁川時雨無以豐其澤

**盜年得父**蜀郡任嘉年三四歲時父騰為諸生於漢中

就師有盜賊道路斷絕蜀亦覆沒客處長沙為州郡吏

後嘉為長沙太守騰為奏曹掾默知嘉實其子也嘉母

語次謂嘉曰奏曹任掾則汝父也但差老耳嘉曰天下

豈獨有一任夫人何以老更生淫意母曰咄我守養汝

數十年無嫌譏豈以垂沒更失計哉顧實真父不可棄

捐後嘉聞掾聲音可類太守何州里耶掾曰本捷為武

陽人蓬轉流宕到此毋察審諦又識左耳前贅因出抱

持對之流涕嘉自投榻戲歎咽風俗

**乞侯**侯霸字君房為淮平淮大尹政理有能名及王莽

敗霸保固自守卒全一郡更始元年遣使徵霸百姓老

弱相携號哭遮使者上當道而卧皆曰願乞侯君復留

期年民乃誠乳婦勿一可舉子侯君當去必不能全使者

慮霸就徵臨淮必亂一不敢授璽書而具以狀聞上

**借寇**寇恂字子翼為潁川太守郡中政理盜賊不入東

記代朱浮為執金吾後潁川盜起從駕南征恂從至潁

州盜賊悉降而竟不拜郡百姓遮道曰願從陛下復借

寇君一年乃留恂長一鎮撫吏人受納餘一

**得耿**耿純字伯山鉅鹿人請治一郡盡力自効上笑曰

卿乃欲以治民自効乃拜純為東郡太守後坐事免上

過東郡數千人號呼涕泣云願復得耿君上後以一

一

東郡太守

東觀記

得人心愛第五倫字伯魚為會稽太守性節儉身居二千石位常蔬食布衣妻自炊爨初代到當發百姓老少聞府門擊單扣馬號呼曰捨我何之其得人心見愛如此

九伯之冠

謝夷吾字堯卿為荊州刺史遷鉅鹿太守所任愛言人物有善績司徒第五倫令班固薦之曰會稽謝夷吾出自東土英資挺特加以少膺儒雅韜含六籍應選作罕惠敷百里爰牧荊州威行邦國尋功簡能為外臺之表聽聲察實為九伯之冠遷守鉅鹿政合時雍誠社稷之元龜大漢之棟甍

致瑞沈豐字聖達為零陵太守為政慎刑重殺罪法辭訟初不歷獄嫌疑不決一斷於口鞭杖不舉市無刑戮僚友有過初不暴揚有奇謀異畧輒為談述曰太守所不及也到官一年甘露降芝草生

東觀記

名子為任任延為九真太守不識父子之性夫婦之道延乃遺書屬縣各使男女皆以年齒相配同時相娶者二千餘人是歲風雨順節穀稼豐衍其產子者始知種姓咸曰使我有是子者任君也多名子為任左傳雅陽令九真吏人生為立祠拜武威太守帝親見戒之曰善事上官無失名譽延對曰臣聞忠臣不私私臣不忠履正奉公臣子之節上下雷同非陛下之福善事上

臣不敢奉詔帝歎息曰卿言是也後

**男女名宗**宗慶字叔平為長沙太守民養子者三千餘人男女皆以宗為名

**樂不可支**張堪為漁陽太守乃於狐奴開稻田八千餘

頃勸民耕種以致殷富百姓歌曰桑無附枝麥穗兩岐

張君為政樂不可支後帝嘗召計吏問守令能否蜀計

掾樊顯進曰漁陽太守張堪昔在蜀其仁以惠下威能

討姦前公孫述破時珍寶山積捲握之物足富十世而

堪去職之日乘折轆車布被囊而已帝聞良久歎息上

**五袴**蔺范為蜀郡太守成都民物豐盛邑宇逼側舊制

禁民夜作以陽火災而更相隱蔽燒者日厲范乃毀削

前令但嚴使儲水而已百姓為便乃歌之曰蕪叔度來

何暮不禁火民安者平生無襦今五袴上來時我單衣

去時重五袴華陽志

**生獨丁時**岑熙為東郡太守招聘隱逸與參政事無為

而化視事二年輿人歌之曰我有枳棘岑君伐之我有

蝨賊岑君遏之狗吠不驚足下生菴含哺鼓腹焉知凶

災我喜我生獨丁斯時美矣岑君於戲仁慈華陽志

**惠及死**陳臨為蒼梧太守有人遺腹子報父怨捕得

獄臨傷其無子令其妻入獄遂產得男人歌之曰蒼梧

陳君恩廣太令死罪囚有後代德參古賢天報施

梧府君惠及死能令死人不絕嗣志

更皆孝友 張霸字伯饒為會稽太守舉賢士勸請教授

一郡慕化但聞書聲又野無遺寇民語曰城上烏鳴哺

父母府中諸吏皆孝友 益即耆舊傳

屢獲豐年 永建中泰山吳資元約為巴郡太守屢獲豐

年民歌之曰習習晨風動澍雨潤乎苗我后邱時務我

民以優饒及資遷去民人思慕又曰望遠忽不見惆悵

嘗徘徊恩澤實難忘悠悠心永懷 華陽志

令我憔悴 桓帝時河南李盛仲和為郡守貪財重賦國

人刺之曰狗吠何誼誼有吏來在門披衣出門應府記

欲得錢語窮乞請期吏怒反見尤旋步顧家中家中無

可與思往從鄰貸鄰人以言遺錢錢何難得令我獨憔悴

悴

園田賦人 黃香為魏郡太守舊有內外園田常與人

分種收穀歲數千斛香曰田令商者不農王制仕者不

耕伐冰食祿之人不與百姓爭利乃悉以賦人課令耕

種 後漢

二珪琰 趙瑤字元珪琰字稚珪凡七兄弟捷為太守

宣子也皆以令德著聞瑤少有公望瑤始為緱氏袁趙

二公相與書曰趙瑤在緱氏猛虎歸迹百里均耳叔平

何難遷扶風太守徙蜀郡司空張溫謂之曰昔第五伯

魚徙蜀郡為司空今掃五第以待足下矣琰始為青

刺史部下清肅 華陽志

父子剖符蔣滿為上黨太守長子萬為北地都尉次子  
輔為安定太守滿與俱知名並見徵用時徵為二千石  
者十三人俱引見萬退却不敢與父並詔譴問謁者曰  
何以不齊左右曰此乃父子也宣帝歎息曰乃父子剖  
符耶即先詔曰上黨太守滿經行篤著信行山東其以  
滿為淮陽王相誨導東藩弘農股肱郡其以萬為弘農  
太守父子同日拜於前上嘉之

漢雜事

**黃堂**郭丹字少卿南陽穰人太守杜詩請為功曹丹薦  
鄉人長者自代而去詩乃歎曰昔明王興化卿士讓位  
今功曹推賢可謂至德勅以丹事編署黃堂以為後法  
後黃堂太守之廳事註吳郡平江太守所居之堂即春

申君之子為假君之殿也註黃故曰黃

**堂**郡國志

**獨坐**王闕遷冀州刺史闕性刻不發私書不容豪族賓

客號曰王獨坐謝承書

**能安叛夷**何祗字君肅汶山夷不安以祗為汶山太守

民夷服信遷廣陵後夷反叛辭曰令得前何府君乃能  
安我耳特難復屈祗挾族人為之汶山復得安

**拜守固讓**司馬勝之字興先清尚虛素郡請察孝廉歷

廣都新繁令政理尤異以清秀徵以疾辭去職即家拜  
漢嘉太守候迎盈門固讓不之官閉居清靜謙卑寡  
常言世人不務求道德而汲汲於爵祿若吾者可坐以

為有餘榮矣訓化鄉閭以恭敬為先

華陽志

**夢刀**王濬字士治為廣漢太守夜夢懸三刀於卧屋

上頃吏又益一刀濬驚覺意甚惡之主簿李毅再拜

曰三刀為州字又益一者明府其臨益州乎及賊張弘

毅益州刺史皇甫晏果遷濬為益州刺史

晉書

濬常夢得

三口刀人以禾益之手持不得以問郡丞與掾史莫能

知毅對曰吉祥也三刀者州字而益之禾持不得禾傍

失者秩字明府秩當至益州濬笑曰如卿言當相以為

秀才

華陽志

濬之在巴郡也夢懸四刀於其上甚惡之

云

陸機晉武紀

**得剪**爰宗為新安太守南界有刻石爰至其下醮有人

於石下得剪刀者衆咸異之主簿對曰昔長沙桓王嘗

飲錢孫洲父老云此洲狹而長君當為長沙事果應夫

三刀為州今得交刀君亦當為州後果作交州

世說

吳富春縣有沙漲武烈為郡吏赴府鄉人餞之會於

沙上父老曰此沙狹而長君後當為長沙太守後果

然因名孫洲

吳錄地理志

武烈聖也長沙桓王業也

世語

**以江名子**江祚為安南太守民思其德生子多以其名

子別傳

**以孟為名**孟宗為豫章太守人思其惠路有行歌故時

人之生以孟為名

別傳

**鳴琴**元康六年尚書吏部郎汝南李光彥遷汝南太守

天中記



都亭侯江夏李茂曾遷平陽太守此二子皆弱冠知名  
歷職顯要旬月之間繼踵名郡離險劇之勤就放曠之  
逸枕鳴琴以侯遠政離別之際各斐然賦詩潘尼二李詩序  
**惠隆**立亭慮詹字思遠為南平太守時天下分崩詹獨  
保境外攘衽狡內除塗炭甚便百姓之情郡人歌曰亂  
離既普殆為灰朽僥倖之運賴茲應后歲寒不凋孤境  
獨守拯我塗炭惠隆之阜潤同江海恩猶父母尋與陶  
侃破杜弼於長沙賊中金寶溢目詹一無所取唯收圖書  
莫不歎之遷益州刺史詹之出郡也士庶攀車號泣  
若戀所生書晉

**慈父**祖逖為豫州刺史已務施不畜貨財喪亂之餘

化也

前漢

張寬字叔文蜀承秦後質文刻野太守文翁遺

寬詣博士東受七經還以教授於是蜀學比於齊魯巴

漢亦化之景帝嘉之命天下郡國皆立文學由翁唱其

教蜀為之始也

華陽國志

始文翁立文學精舍講堂作石

室永初後堂遇火太守陳留高朕

續志

更修立又增造

二石室

上

始作禮殿以祀先聖周公畫三皇五帝七十

二子及三代兩漢君臣像於殿壁

志

**卧治**

及黠為東海太守治官好清靜擇丞史長之責甚

大指而已不細苛黠素多病卧閣內不出歲餘東海大

治召為淮陽太守黠辭之上曰君薄淮揚邪吾今石君

矣顧淮揚吏民不相得吾徒得君重卧而治之

治道泰甚黃霸字次公為潁川太守宣帝詔遷官為車

蓋特高一丈別駕主簿車緹油屏泥於軾前以章有德  
霸米蓋靡密初若煩碎然霸精力能推行之吏民見者  
語次尋繹問它陰伏以相參考識事聰明咸稱神明  
人去入它郡盜賊日入霸力行教化而後誅罰務在成  
就全安嘗曰凡治道去其太甚者耳霸以外寬內明得  
吏民心戶口歲增治為天下第一前後八年郡中愈治  
是時鳳凰神爵數集郡國潁川尤多天子以霸治行終  
長者下詔稱揚曰潁川太守霸宣布詔令百姓鄉化孝  
子弟弟貞婦順孫日以衆多田者讓畔道不拾遺養視  
鰥寡贍助貧窮獄或八年亡重罪囚吏民鄉于教化興

延之甚德情乃作五君詠以美竹林七賢山濤王戎以  
貴顯被黜詠嵇康云鸞翮有~~鳳~~龍性誰能馴詠阮籍

云物故不可論途窮能無恸詠阮咸云屢薦不入官一

麾乃出守詠劉伶云韜持日沈飲誰知非荒宴此四句

蓋自序也南史守郡謂之建麾蓋用顏延年一麾乃出守

之句不知其悞也延年謂一麾之麾如武王右秉白旄

以麾之麾耳延年贈始平詩云屢薦不入官一麾乃出

守謂山濤薦咸為吏部郎三上而武帝不用其後一濟

遂出始平故有此句延年被擯以此自托爾後杜陵之

為登樂遊原詩云擬把一麾江海去樂遊原上望~~長安~~

遂為故事古今詩話

論歷名山

謝靈運好學博覽文章之美江左莫遠其

才能宜參權要既不見知常懷憤憤少帝即位雖在大

臣徐羨之等出為永嘉太守郡有名山水靈運素所愛

好出守既不得志遂肆意游遨徧歷諸縣動踰旬月民

間聽訟不復闕懷所至輒為詩詠以致其意焉宋書

府君王僧達為宣城太守出好游獵而山郡無事僧達

肆意馳騁或五日三日方歸受辭辯訟多在獵所人莫

逢不識問府君所在僧達且曰在近南史

不省雜事謝朓字敬冲永明中為義興太守在郡不省

雜事悉付網紀曰吾不能作主者吏但能作太守耳後

還書曰可力飲此勿豫人事朓居郡每不理常務聚飲

衆頗譏之亦不屑也子讓為東陽內史及還五官送錢

一萬止留一百各曰數多劉寵更以為愧上

井中人出晉陵常胡郡家在延陵元嘉初忽見庭前井

中有一人出高長尺許被帶組甲麾伍相應相隨出門

良久乃盡胡兄數頗善古策常云吾子弟當至刺史朝

歷青廣二州吳

蕭韞崔景貞守平昌有惠政常懸一蒲鞭而未嘗用主

峻奉起臺夏侯詳為湘州刺史詳善吏事在州四載為

百姓所稱州城南臨水有峻峯舊傳云刺史登此山輒

代由是歷政莫敢至詳於其地起臺謝延僚屬以表頌

前元後弟夏侯夔字季龍謚子也為豫州刺史元豐字

世謚先經此任至是夔又居焉兄弟並有恩惠於鄉里

百姓歌曰我之有州頗得夏侯前兄後弟布政優優上

大小南郡劉之遠子思貞除南郡太守武帝謂曰卿母

年德竝高故令卿衣錦還鄉盡榮養之理弟之亨字嘉

會代之遠為南郡太守上問朱弁曰之亨代兄喜不兄

弟因循豈直大馮小馮而已又謂尚書令何敬容曰荆

州長史南郡太守皆僕射出今者之亨便是九轉

在郡有異績吏人無之卒荆出之不復稱名號為大

而小南

大小東陽

土產字安... 惠吏人悅

之承性簡貴有風格右需朱昇當朝用事每休下車馬

填門有魏郡申英者門寒才俊好危言高論以忤權右

嘗指昇門曰此中輻湊皆為利往能不至者唯大小王

東陽耳小東陽即承弟幼也時唯承兄弟及褚翽不至

昇門世並稱之

年少太守

張緬字元長年數歲外祖中山劉仲德異之

曰此兒非常器非止為張氏寶方為海內令名也起家

秘書郎出為淮南太守時年十八武帝疑其年少未閑

吏事遣主書封取郡曹文案見其斷決元愜甚稱賞之

累遷豫章內史緬為政任恩惠不設鉤距吏人化其德

亦不敢欺故老咸云數十年未有也上荀羨字令則為

徐州刺史時年二十中興方伯未有如羨少者晉書

**前首**任昉為吳興太守在郡所得奉秩五分督一餘者

悉原見妾食麥而已友人到既既弟洽從昉共為山澤

游及被代至都無衣沈約遣裙衫迎之再為新安太守

在郡不事邊幅率然曳杖徒行邑郭人通辭訟者就路

決焉為政清省吏人便之卒於官唯有桃花米二十石

無以為歛闔境痛惜百姓共立祠堂於城南歲時祠之

出

**三始**裴邃字深明為廣陵太守左遷始安太守邃志立

功遂不願閑遠乃致書於呂僧旌言昔阮咸願延有

二始之歎吾才不逮古人今為三始非其願也將如之

何後為竟陵太守開置屯田公私便之上

**政過名守**謝覽字景滌為吳興太守中書舍人黃睦之

家居烏程子弟專橫前太守皆折節事之覽未到郡睦

之弟迎覽覽逐去其船杖吏為通者自是睦之家杜門

不出郡境多劫為東道患覽下車肅然初齊明帝及覽

父濬東海徐孝嗣並為吳興號為名守覽皆過之上

**不附主書**王規字威明為吳郡太守主書芮宗家在

吳前守宰皆傾意附之至是宗假還規過之甚薄宗

宗還都密奏規不理郡事俄徵為左戶尚書都亮于

人詣闕請留表三奏不許求於郡樹碑許之上

宋書

勸課教示 元淑字買仁彎弓三百斤善騎射孝文時為  
河東太守河東俗多商賈罕事農桑人至有年三十不  
識耒耜淑下車勸課躬往教示二年間家給人足為之  
謠曰秦州河東杼柚代春元公至止田疇始理有七子  
季海字元泉兄弟中最有名譽位洛州刺史季海妻孫  
空李冲之女涇帝從母也政在尔朱禍難方始勸季海  
為外官以避織介及孝涇之難季海果以在藩得免史  
**慈父** 元孚字秀和少有令譽崔光等咸曰此子當準的  
人物拜冀州刺史孚勸課農桑境內稱慈父隣州號曰  
神君先是州人張孟都張洪建馬潘崔獨憐張叔緒崔  
醜張天宜崔思哲等八人皆屯保林野不臣王命州郡

號曰八王孚至皆請

死効力

**十善** 陸叡侯長子也

其有父風高祖見而悅之謂朝

臣曰吾嘗歎其父智

其軀是復踰於父矣為相州刺

史假長廣公為政清

抑強扶弱州中有德宿老名望

素重者以友禮待之

之政事責以方畧如此者十人

號曰十善於是發姦

廼伏事無不驗百姓以為神明無

敢劫盜者徵為散騎

常侍百姓乞留叡者千餘人獻文

不許謂群臣曰叡之

善政雖古人何以加之叡之代還

也吏人大歛布帛以

遺之叡皆不受人亦不取於是

此物起佛寺焉因名

長廣公寺

**不念舊惡**

房景伯字良暉為清河中郡人劉簡武曾失

禮於景伯聞其臨郡闖家逃亡景伯督切屬縣追捕會  
之即署其子為西曹掾令喻山賊賊以景仁不念舊惡  
一時俱下論者稱之上

**連璧**常叔裕字孝寬普泰中從荊州刺史源子恭鎮襄  
城以功除淅陽郡守時獨孤信為新野郡守同隸荊州  
與孝寬情好款密政術俱美荆部吏人號為連璧上

**大小鄭公**鄭述祖字恭文少聰敏有風檢為先達所稱  
齊天保中為兗州刺史時穆子容為巡省使歎曰古人  
有言聞伯夷之風貪夫廉懦夫有立志今之鄭兗州見  
之矣遷光州刺史初述祖父為兗州於鄭城南小山起  
齋亭刻石為記述祖時年九歲及為刺史往尋舊迹得

一破石有銘云中岳先生鄭道昭之白雲堂述祖對之  
嗚咽悲動群寮有人入市盜布其父怒曰何負吾君執  
之以歸首述祖特原之自是境內無盜百姓歌曰大鄭  
公小鄭公相去五十載風教猶尚同上

**懷博**李延實莊帝舅也除青州刺史帝謂寔曰懷博之  
俗世號難治舅宜好用心副朝廷所委實答曰臣年迫  
桑榆氣同朝露夜行罪人裁錦萬里謹奉明勅不敢失  
墜時門下侍郎楊寬在帝側不曉懷博之義私問舍人  
温子昇曰聞彭城王作青州刺史問其實答從至青州  
云齊土之民風俗淺薄太守初欲入境皆懷博如昔以  
見其意及其代下還家以磚擊之言其向背遠矣

是以京師謠語曰獄中無繫囚舍內無青州假令家道惡腹中無懷愁懷磚之義起在於此也如董

**五七月寒**南安王元稹出為相州刺史五月至鄴上日

暴風大雨凍死者數十人是月疽發背薨孫熙後授相

州以七月上其日大風寒雨凍死者二十餘人驢馬數

十匹熙聞其祖父前事心惡之後起兵討元義被殺史

**政致井泉**房豹字中幹為樂陵太守風教脩理稱焉

政郡瀕海水味多鹹苦豹命鑿一井遂得井泉迨適以

為政化所致豹罷歸後井味復鹹上

**獨立使君**裴俠字嵩和為河北郡守俠躬履儉素愛人

如子所食唯菽麥菹菜而已吏人莫不懷之歌曰肥鮮

不食丁庸不取裴公貞惠為世規矩俠嘗與諸牧守俱

謁周文周文命俠別立謂諸牧守曰裴俠清慎奉公為

天下之最令衆中有如俠者可與之俱立衆皆默然無

敢應者周文乃厚賜俠朝野服焉號為獨立使君上

**神君**孔奐字休文除晉陵太守自宋齊以來為大郡雖

經寇擾猶為全實前後二千石多行侵暴奐清白自守

妻子並不之官唯以單船臨郡所得秩俸隨即分贖孤

寡郡中號曰神君曲阿富人殷綺見奐居處儉素乃鉤

以衣氈一具奐曰太守身居美祿何為不能辦此但百

姓未周不容獨享温飽勞卿厚意幸勿為煩陳

**戴帽錫**梁彥光字修芝隋初為岐州刺史甚有惠政

天中紀



相州彥光前在岐州其俗頗質以靜鎮之合境大安參  
課違最為天下第一及居相部如岐州法鄴都雜俗久  
多變詐為之作歌稱其不能理政上聞而譴之竟坐免  
歲餘拜趙州刺史彥光言於上曰臣前待罪相州百姓  
呼為戴帽賜臣自分廢黜無復衣冠之望不謂天恩復  
加收採臣請復為相州改絃易調庶有以變其風俗上  
從之復為相州刺史豪猾者聞彥光自請而來莫不嗔  
笑彥光下車發摘奸隱有若神明狡猾莫不潛竄於是  
合境大駭隋書分紀作戴帽賜片蓋誤讀臣字耳

**不納賄**樊子蓋字華宗為武威太守以善政聞煬帝詔  
曰龔汲振德化于前張杜垂清風于後子蓋操履清潔

撫導有方處腸膏不潤其質醜貪泉豈渝其性車駕西  
巡及還謂之曰人道公清定如此不子蓋謝曰臣安敢  
言清止是小心不敢納賄耳由此賜之口味百餘斛上

**鑿州刺史**

薛大鼎為滄州刺史州界有無棣河隋末填

廢大鼎奏開之引魚鹽於海百姓歌之曰新河得通舟  
楫利直達滄海鹽魚至昔日徒行今勝駟美哉薛公德  
滂被大鼎又以州界卑下遂決長蘆及漳衛等三河分  
洩夏潦境內無復水時與瀛州刺史賈敦順曹州刺史  
鄭德本俱有美政河北稱為鑄脚刺史

**臺省典州**

武后長安四年納言李嶠同平章事唐休璟

奏曰竊以物議重內官而輕外職凡所出守多因貶累

非所以澄風俗安萬人臣請擇才於臺閣省寺之中分  
典六州共康庶政臣等請輟近侍率先具寮太后乃令  
書名採之中者當行於是鳳閣侍郎高嗣立御史大夫  
楊再思等二十人中之皆以本官檢校刺史後二十人  
內以政績可稱者獨常州刺史薛光謙徐州刺史司馬  
鐘二人而已通典

**選朝臣** 開元十一年山東旱儉朝議選朝臣為刺史以  
撫貧民仍重諸侯之選於是黃門侍郎王丘為懷州  
刺史又以中書侍郎崔沔等數人皆為山東諸州刺史  
至任皆無可稱唯丘在職清嚴人吏甚畏慕之唐舊

**知頃最** 裴耀卿字煥之開元十三年為濟州刺史其年

車駕東巡州當大路道里綿長而以家貧耀卿躬自  
條理置三梁十驛料配得所將夫所歷凡十餘州耀  
卿稱為知頃之最封禪還次宋州宴從官帝歡甚謂張  
說曰前日出使巡天下觀風俗察吏善惡不得實今朕  
有事岱宗而懷州刺史王丘餽牽外無它獻我知其不  
市恩也魏州刺史崔沔遣使供帳不施錦繡示我以儉  
此可以觀政也濟州刺史裴耀卿上書數百言至曰人  
或重擾即不足以告成朕置書座右以自戒此其愛人  
也新舊

**清嚴知禮** 齊澣字洗心為汴州刺史河南汴為淮郡身  
江淮達于河洛舟車輻輳人庶浩繁前後牧守多不稱

職唯倪若水與幹皆以清嚴為治民吏歌之玄宗對太  
山歷汴宋許車騎數萬王公妃主四夷君長馬臺宅亦  
幾萬所頓彌數十里幹列長棚帟幕聯亘止食凡千舉  
納筦鑰身進膳帝以為知禮喜甚為留三日賜帛

**立木禁車**

權懷恩為宋州刺史以威明御下人皆重足

而立時汴州刺史楊德幹亦以嚴肅與懷恩齊名至是  
懷恩路由汴州德幹送之出郊懷恩見新橋中途立木  
以禁車過者謂德幹曰一言處分豈不得何用此為德  
幹大慙時議以為不如懷恩也

**題黃廳事**

盧奐為陝州刺史嚴毅之聲聞於關內玄宗

幸京師次陝州頃知奐有神政御筆題於廳事曰專城

之重分陝之雄仁雖惠愛性實謙冲亦既利物在乎誰  
躬斯為國寶不墜家風陝州之民多有淫祀者州之士  
民相語曰不須賽神明不必求巫祝爾莫犯盧公立便  
有禍福天寶初為南海太守南海蕪水陸都會物  
產瓌惟前守劉巨鱗彭杲肯以賊敗故以奐代之汙吏  
歛手中人之市舶者亦不敢干其法遠俗為安時謂自  
開元後四十年治廣有清節者宋璟李朝隱盧奐三人  
而已新唐書裴奐先為廣為都督舊書廣府清白者有  
四謂宋與奐先朝隱及奐此止云三何也

**神迎**

張開為荊州刺史至郡界風雨暝晦不辨面目唯

聞空中有殿鳴之聲次雲中有衣紫披甲曹者十數

人開問其故對曰其荊州內外所主之神又仰史君令  
名故相率迎引到廷謁廟後各致祭謝及建飾廟親自  
此政譽尤善也開元遺事

**城守** 顏真卿為平原太守安祿山逆節頗著真卿  
以霖雨為託脩城浚濠陰科丁壯儲廩食乃飭會多士  
泛舟於池飲酒賦詩或謔於祿山祿山亦密偵之以為  
書生不足虞也無幾祿山果及河朔盡而獨平原城守  
具備乃使兵司參軍李平馳奏之玄宗初聞祿山之變  
歎曰河北二十四郡豈無一忠臣乎得平來大喜顧左  
右曰朕不識顏真卿形狀何如人所為乃如此唐書

**理行第一** 蕭定字梅臣為袁州刺史歷信湖宋睦潤五

州刺史所蒞有政聲大曆中有司條天下牧守課績往  
定與常州刺史蕭復豪州刺史張鎰為理行第一其勸  
農桑均賦稅逋亡歸復戶口增加定又冠焉舊唐書

**黃人二歌** 唐乾元二年贊善大夫左振出為黃州刺史  
下車黃人歌云我欲逃鄉里我欲去者墓左公今既來  
誰忍弃之去後一歲又歌云吾鄉有鬼王或人不知  
天子正尊信左公能殺之元次山集

**簡廉肅** 薛珽字溫如為楚州刺史本州營田使先是州  
營田宰相遙領使刺史得專達俸錢及他給百餘萬田  
官數百員奉廩役者三千戶歲以優授官者復千餘人  
珽皆條去之十畱一二而租入有贏為觀察使誣奏在

授碭州刺史遷陳州刺史建中初上分命使臣  
吏淮南李承以珏楚州之去頌政簡使山南趙贊以珏  
碭州之廉清使淮南盧翰以珏之肅物皆以珏狀聞加  
秩賜紫

**以陽名子**

陽城字亢宗出為道州刺史治民如治家宜

罰罰之宜賞賞之不以簿書介意月俸取足而巴州產  
侏儒歲貢諸朝城哀其生離無所進帝使求之城奏曰  
州民盡短若以貢不知何者可供自是罷州人感之以  
陽名子新舊作矮奴

**措大官**

王宗鈇為晉州刺史有海客鬻龍腦邀價倍常

宗鈇令持錦被過其客觀之因目從者挈其龍腦解去

天令牙儈市二妓年各十六其直三十二緡宗鈇納之

呼一老婢謂儈曰此年已五十直五十千償二妓外尚

餘十八千買布被褥一幅重十斤令於酒坊取舊麻繩

十五斤償之百姓相視而笑宗鈇曰小民得五斤利便

喜吏民列訴責維州司戶外史宗鈇責維州司戶參軍

問吏曰參軍何官本何服吏曰下州判司綠衫槐笏而

已宗鈇大笑絕倒曰若頭便斬去吾何能作措大官志九

**風月主人**

孟蜀左丞歐陽彬術山人博學能文景以高

嘉州刺史喜曰青山綠水中為二千石茲詩飲酒為

月主人豈不嘉哉蜀詩

天字已

澤州奏前刺史史延福離州為軍民遮圍不發出城無幾下馬登其史延福經三日後夜開城門越關

**神虎驚**謝傑為高州刺史境多虎夜入郭中為暴人

不安居傑一日沐浴誤城隍廟舉酒祝神曰愚民何辜

而虎暴之蓋刺史無德化願虎只食刺史無傷愚民

屏左右獨宿殿庭中是夜三鼓廟東南隅忽有物咆

其聲如雷良久乃止澤明視之數虎悉斃九國志

**李大蟲**楚李瓊為桂州刺史魁岸多力每食肉十餘斤

据按大嚼耽耽然軍中號曰李大蟲先是桂州兒童聚

戲衢路忽相驚走曰大蟲來至是果應上

**照天蠟燭**田元均治成那有聲人有訴訟其懦弱不能

自伸者必委曲問之蜀人謂之照天蠟燭又謂之不錯

事尚書東齋記事

**隨使戶**吳越僦鎮永嘉云姓悅恭及後姑蘇温人有携

家屬以從者謂之隨使五代史

**邵父陳母**祥符九年邵暭知廣州警內河通舟輿不為

害陳世卿代之奏免廣南口隘廣人歌曰邵父陳母除

我二苦

**刺舉不法**秦兼天下攻州牧為刺史宋明之時則出

行封部玄英之月則還詣天府表奏刺史言其刺舉不

法者之使也交廣記

**五馬禮**天子六馬左右三公九卿四馬左監漢制九

卿則二千石亦右驂太守馬而已其有加秩率二千  
石乃右驂故以五馬為太可美稱道齊聞覽與亭林云  
漢時朝臣出使為太守增一馬故曰五馬詩云昔人  
用五馬事多因游遨動出是方想之如老杜賦王閬州  
餞蕭遂州云二天開窻餞立馬爛生花其實主出住分  
矣又送李梓州五馬何符刊贈嚴武五馬舊曾諳小徑  
送賈閣老出汝州人生五而貴大白云五馬莫晉連岑  
參云門外不須催五馬戎五五馬幾時朝魏闕子厚五  
馬助征駢樂天五馬無由入酒家近人於太守安居閑  
閣例稱五馬於理恐未安也

**羊旗能載**隼飛旗上熊伏前蓋分輝彤幘耀彩記

新州宰高季通秩映隼旗榮參熊軾徐將

**銅虎**漢文帝二年初與郡守為銅虎符竹使符紀任彥

升表分虎出守以囊被見嗤選于頔制累政臺郎遂分

符守唐大

**朱轡**景帝詔曰夫吏者民之師也車駕衣服宜稱吏六

百石以上皆長吏也令長吏二千石車朱兩轡于石至

六百石朱左轡紀二千石皆皂蓋朱兩轡後典

**專郡**太守專郡信理庶績勸農賑貧決訟斷辟典刑奈

害檢察詳奸舉黜惡誅殺殘暴者也漢書

郡丞 別駕 治中 長史 司馬

**佐守**秦置郡丞以佐守在邊為長史掌兵馬漢景帝置

郡丞黃綬武帝元朔六年改名長史為京兆尹置丞元  
帝時丞相于定國條州大小為設吏員治中別駕諸郡  
從事漢官儀隋改別駕治中為長史司馬煬帝罷之而置

郡贊治後又改為丞武德初改曰別駕高宗改為長史

**試經請去**周防字偉公年十六任郡小吏世祖巡狩汝

南召掾史試經防尤能誦讀拜為守丞防以未冠請去

師事徐州刺史蓋豫明經舉孝廉拜郎中汝南先賢傳

**雌伏**趙溫字子柔初為京兆郡丞歎曰大丈夫當雄飛

安能雌伏遂棄官去後

**贊務**柳儉字道約為弘化太守儉清節愈勵大業五年

入朝郡國畢集帝謂納言蘇威吏部尚書牛弘曰其中

清名天下第一者為誰威等以儉對帝又問其次威以

涿郡贊務郭絢潁川贊務敬肅等二人對帝各賜綰令

天下朝集使送至郡邸以旌異焉論者美之北史

**幹局**郭絢歷數州司馬長史皆有能名煬帝將有事於

遼東以涿郡為衝要訪可任者聞絢有幹局拜涿郡丞

吏人悅服隋

**心如鐵石**敬肅字弘儉少以貞介知名歷長史司馬俱

有異績煬帝嗣位遷潁川郡丞大業五年朝東都帝令

司隸大夫薛道衡為天下群官之狀道衡狀稱肅曰心

如鐵石老而彌篤上

**獨統大郡**張允齊為武陽令政績尤異遷高陽郡丞時



無郡將允濟獨統大郡吏人畏悅及賊帥王須拔攻  
時城中糧盡吏人取槐葉藁節食之竟無叛者

**摠錄衆事**

別駕從事校尉行部奉引摠錄衆事

續漢志

制別駕從事史一人從刺史行部別乘一乘傳車故

別駕

**題輿**

周景為豫州辟陳蕃為別駕不就景題別駕輿曰

陳仲舉座也不復更辟蕃惶懼起視職

謝承書

以諫爭不

合授傳而去

本傳

**酒桺擊柱**

陳茂豫州刺史周敞辟為別駕從事與俱行

部到潁川陽翟傳舍傳中有置美酒一桺者敞勅御驢

載酒以行茂見於外取桺擊柱破之敞問茂刺史年老

酒益氣別駕破桺亦何益茂答曰所過皆有以名使君

傳車駢駢載酒非宜也

謝承書

**屏星**

孔恂字巨卿新塗人也為別駕車前後舊有屏星

如刺史車曲翳儀式時刺史行部因怒命之恂曰明使

君撤去屏星毀國舊儀此不可行別駕可去屏星不可

省即授傳而去

豫章列士傳

**委以心腹**

袁紹領冀州以審配為別委以心腹并總幕

府紹又以田豐為別駕豐勸逆天子紹不納及敗曰吾

慙田別駕

後

**別駕之功**

王祥徐州刺史呂虔敵而別駕祥乃應呂虔

委以州事于時寇盜充斥祥率勵兵士頗討破之祥

天中記

卷三十四

四十六

清靖政化大行時人歌之曰海沂之康實賴王祥鄰國不空別駕之功晉書

**奉選為允**江統字應元太傅東海王越為兖州牧請君

為別駕與君書曰昔王子師作豫州未下車辟荀慈明

下車辟孔文舉貴州人士有堪應此者不君舉高平郡

道微為賢良陳留阮宣子為直言齊北程弘叔為方正

皆於時選為允家傳

**君孝超御**顧和字君孝總角知名族人顧榮雅相器愛

曰此吾家之騏驥也必振衰族特宗人顧球為揚州別

駕顧榮謂球曰卿速步公孝如是超御矣別傳

**平刺別駕**有與刺史別乘同宣王化萬里者其任居

刺史之半安可任非其人度亮卷

**守偏地**益州刺史李貌微時居漢川與別駕姜顯餞送

刺史顯忽貌貌曰大丈夫何至守偏地為姜顯所陵即

不復還家仍附船下自是十五年而鎮梁漢顯猶栖遲

檄為別駕續晉安帝紀

**江左之秀**羅含字君章桓宣武辟為別駕以官廨誼擾

於城西池小洲上立茅茨伐木為牀織布為蓆布衣蔬

食晏若有餘桓公嘗謂眾坐曰此自江左之清秀豈唯

荆楚而已含自在官舍有一白雀棲集堂宇及致社遷

家階庭忽蘭菊挺生豈非至行之徵邪別傳

**見駭馳喚**桓玄下都羊孚時為兖州別駕從京來詣門

天中言 卷三十四  
賤云自頃世故睽離心事淪盡明公啓晨光於積晦澄  
百流以一流桓見賤馳喚前云子道子道來何遲即  
為記室叅軍世說

**伐鼓窮歡**王翰為汝州長史徙仙州別駕日與才士豪  
俠飲樂時畋伐鼓窮歡坐貶道州司馬新

**見刺史**孔若思為衛州刺史故事以宗室為州別駕見  
刺史驚放不肯致恭若思劾奏別駕李道欽請訊狀有  
詔別駕見刺史致恭漢

**治中**治中從事史一人居中治事主衆曹文書漢制也  
通司隸功曹從事即治中也儀別駕亦曰治中從事白

**答掠無變**陳禪為州治中從事時刺史為人苛刻受納

賍賄禪當傳拷乃至答掠無筭五毒畢加神意自若辭  
對無變事遂釋謝承書

**展驪**龐統以從事守來陽令不治免官魯肅遺先主書  
曰龐士元非百里之才使處治中別駕之任始當展其

驥足耳乃以為治中蜀志

**交父益親**柳宗字伯騫為治中與人交結久而益親其  
所拔進皆世所稱致位牧守鄉里為之語曰得黃金一

筭不如柳伯騫所識益州耆舊傳

**單席於地**張彥字伯春為治中從事刺史每坐為案治  
中單席於地上

**當朝正色**唐彬檄為治中別駕忠肅公亮匡救達關

規誨以納善不顯諫以彰主當朝正色焉

王隱晉書

**車公不樂**車胤字武子風姿美劭機悟敏率桓温在籍

州取為從事一歲至治中胤既博學多聞又善於激賞

當時每有盛坐胤必同之皆云無車公不樂太傅謝公

游集之日開筵以待之

續晉書

**荊州從事**習鑿齒少博涉才情透逸桓温奇之自惟

事歲中三轉至治中

晉書

鑿齒史才不常温器之未三十

用為荊州治中謝朓曰不遇明公荊州老從事耳

世說

**網佐**陸閑字遐業為齊始安王遥光揚州治中遥光作

亂以網佐不去被殺子襄字師知為揚州治中襄父終

此官自稱相高祖不許聽與府司馬換稱是也

梁書

**洛陽主人**

趙肅字慶雍洛陽人也早有操行知名於時

大統三年獨孤信東討肅率宗人為鄉導授司州治中

轉別駕監督糧儲軍用不置周文帝聞之謂人曰趙肅

可謂洛陽主人也

周書

**同宣教化**

唐以堂吏朱倫為華州別駕給事中蕭倣

駁曰別駕古為治中從連丁秩六百石與刺史別乘同宣

教化任居刺史之半豈宜以人吏兼副改之名

**上佐**別駕長史司馬通謂之上佐

職源

**箕踞相對**

衛永君長為溫公長史溫公甚善之每率爾

提酒脯就衛箕踞相對一兩日衛往溫許亦爾

**為情死**

王長史處登茅山大勸哭曰琅邪王伯與嘗

天口記

為情死

**別掃**孔休源字慶緒為晉安王府長史南蘭陵太守別

敕專行南徐州事休源累佐名藩甚得民譽王深相倚

仗軍民機務動止詢謀常於中齋別施一榻云此是孔

長史坐人真得預焉

**誤寵**崔敬嗣為房州刺史中宗為廬陵王安置在州官

吏多無禮獨敬嗣以親賢待之供給豐贍中宗深德之

及登位有益州長史敬嗣既同姓名每進擬御筆超

拜者數四後引與語方知誤寵訪敬嗣已卒乃授其子

注官

**不枉不偏**張說字道濟睿宗即佐遷中書侍郎雍州長

史景雲初張王重善於東都構逆而死留守捕獲張

經時不決睿宗令說往按其獄二宿捕獲重福謀主張

靈均鄭愔等盡得其情狀其餘枉被繫禁者一切釋放

睿宗勞之曰知卿按此獄不枉良善又不漏罪人非卿

忠正豈能如此

**幼不孝**李臯字子蘭為温州長史無行州事行縣是

媪垂白而泣哀而問之對曰李氏之婦有二子鈞鈞富

遊二十年不歸貧無以自給時鈞為殿中侍御史錫為

京兆府法曹俱以文藝登科名重於時臯曰入則孝出

則悖行有餘力然可以學文若二子者豈可備於列位

由是舉奏並除名勿齒改處州別駕行州事以良政聞

徵拜衡州刺史

**方外司馬**謝奕字無奕桓温辟為司馬奕既上猶推布

衣交在温坐岸憤嘯詠無異常日宣武每曰我方外司

馬遂因酒轉無朝夕禮相舍入內奕輒復隨去後至奕

醉温往主許避之主曰君無狂司馬我何由得相見

**此賈房恭懿**為澤州司馬有異績遷德州司馬理為天

下之最文帝謂諸州朝集使稱為勸勵之首以為上天

宗廟之所祐助豈朕寡薄能致下詔曰德州司馬房恭

懿出宰百里毗賈二藩善政能官標映倫伍遷海州刺

史隋書

**言政能官**常安石為永昌令并州司馬則天子制勞之

曰文卿在彼善政來於能官明仁彰於鎮撫如此稱職

甚慰朕懷俄拜并州刺史

**天下甲門**袁誼神功中為蘇州刺史嘗因視事司馬清

河張沛通謁沛即侍中文璣之子誼揖之曰司馬何事

沛曰此州得一長史是隴西李宜天下甲門誼曰司馬

何言之失門戶須歷代人賢名節風教為衣冠顧鴉始

可稱舉此老夫是也夫山東人尚於婚媾家於錄利作

特柱石見危授命則曠代無人何可說之以為門戶沛

懷慙而退時人以為口實

**將為司馬**有鑿工崔懷自淮南小將為黃州司馬勸至

省鄭餘慶執之封還以為諸道散將無故受正員五品

官是開微俸之路且無關可供言或過理由是稍特權上

**爾不介意**白居易為太子左贊善大夫會有素惡居易者拊據居易言浮華無行其母因看花墮井而死而居易作賞花及新井詩甚傷名教不宜實彼周行執政方惡其言事奏貶為江表刺史詔出王涯上疏論之言君易所犯状迹不宜治郡追詔授江州司馬居易儒學之外尤通釋典常以忘懷處順為事都不以遷謫介意

**五品**按唐典上州司馬秩五品歲稟月俸官足以庇身食足以給家州民康非司馬功郡政壞非司馬罪無言責無事憂為國謀則尸素之尤甚者身謀則祿仕之優

穩者苟有志於吏隱者捨此官何求焉

白記

**從事長**郡丞秦官惟掌兵馬自漢迄唐其名不常曰別駕曰司馬曰治中曰長史雖均號上佐其實從事之長耳故緹油屏軾下與主簿同賜而州牧或得辟置間以處王子及近臣之左降若起廢者其於政事罕嘗與聞邦國不空之謠宜其寥寥也

周必記

通判

**監郡**仁宗時中丞孫抃上言通判古監郡之職一州糾害全籍論議與近下僚屬不同乞今後大臣出按藩鎮不得奏辟通判上曰州郡設通判本與知州同判一郡之事知州有不法者得舉法之今既辟除自是惡地事

有不可必不執守卿言極是自今只得辟簽判一員

**水晶燈籠**劉隨待制為成都通判嚴明通達人謂之本

**水晶燈籠**東軒筆錄

**夢告辨獄**胡宿通判宣州有被誣以殺人者獄成議法

將抵死公疑之呼囚以訊囚憚箠楚不敢言公正衣冠

坐堂上思之俄而假寐夢有人來告曰吳姓也公遽引

囚辟左右復訊之囚曰旦將之由縣吏執以赴官不知

其由也公取獄辭窮治乃被歐之婦與吳姓姦姦者殺

其夫與婦謀執平人以告也公之精誠格物如此自警編

**伴車**王之伴車注伴乃副車今以通判為伴者周禮謂

太守之副職

**佐治**知成都席益奏州郡置伴所以佐郡守之治入則

貳政出則按縣中興會要

**府判**常同劾陸寘疏云寘心內侍王通之客為明州通

判避通名改稱府判今浙東州軍有呼通判為府判自

寘始高宗之曆

**有榜無辨**宋初懲藩鎮之弊置通判以貳州事既非官

屬故嘗與知州爭權每云我是監郡朝廷使我來監汝

舉動無所制有錢昆少卿者餘杭人嗜蟹常求諸郡人

問其所欲昆曰但得有螃蟹無通判則可至今以為口

**實錄**歸錄音

推官



**堅正**韓退之武寧節度使張建封碎府推官探行堅正  
鯁言無所忌唐徐州張建封又請為其實佐

**剛正**狄兼謨字汝諧仁傑族孫也元和末解褐襄陽推

官言行剛正使府知名舊辟襄陽府使剛正有祖風

**鞠獄**錢若水字澹成一字長卿釋褐同州觀察推官錄

事嘗貸富民錢不獲因其女奴亡遂誣父子謀殺而沉

其屍具獄上州官舊覆無異若水獨留不決久之得女

奴其人傾貲飯僧舊為祈福自警

**擊蛇**孔道輔字原魯為寧州軍事推官數與州將爭事

有蛇出天慶觀真武殿中一郡以為神州將帥官屬往

殿拜之欲上其事道輔徑前以笏擊蛇碎其首觀者初

驚後莫不歎服宋史

**困以事**蘇子瞻神宗召見直言無隱王安石不悅命權

開封府推官將困之以事軾決斷精敏聲聞益遠上

縣令

**縣正**周官有縣正各掌其縣之政令而賞罰之春秋特

列國相滅多以其地為縣則縣大而郡小故傳云上夫

夫受縣下大夫受郡縣邑之長通魯謂之宰仲尼為中

都宰是也齊謂之大夫齊威王封即墨大夫烹阿大夫

是也楚謂之尹沈尹戌為方城之外縣尹是也亦謂之

公葉公諸梁是也冊凡縣萬戶以上為令減萬戶為長

侯國為相秩次亦如之皆秦制也漢因之通

舉不避讐 中年無令晉平公問趙武曰 中牟三國之股  
肱邠郢之肩髀寡人欲得其良令也 誰使而可武曰 則  
伯子可公曰 非子之讐也 曰 私讐不入公門 公又問曰  
中府之令誰使而可 曰 臣子可故 曰 外舉不避讐 內舉  
不避子 趙武所薦四十六人 及武死 舍就賓位 其無私  
德若此 孺

嬰歸子皮欲使尹何為邑 子產曰 少未知可否 子皮曰  
愿吾愛之 使往而學焉 子產曰 吾子愛人 則以政猶未  
能操刀而使割也 其傷實多 子有美錦 不使人學製焉  
大官大邑 身之所庇 而使學者製之 其為美錦 不亦多  
乎 左襄三十一

白首共載 子奇年十八 齊君使之治阿 既行 矣悔之 使

使追之 曰 未至阿 及之 還之 已至 勿還也 使者及之 而  
不還 君問其故 對曰 臣見所與共載者 白首也 夫以老  
者之智 以少者之決 必能治阿矣 是以不還 至阿 鑄其  
庫兵 以為農耕器 出倉廩 以賑貧窮 阿縣大化 新序

彈鳴琴 子賤治單父 彈鳴琴 身不下堂 而單父治 巫馬

期以星出 以星入 日夜不處 以身親之 而單父亦治 巫  
馬期問於子賤 子賤曰 我任人 子任力 任人者 佚 任力  
者 勞 人謂子賤 則君子矣 精

憂懼 宓子賤治單父 有若見之 曰 子何懼也 宓子曰 君  
不知賤不肖 使治單父 官事急 心憂之 故懼也 有若曰

昔者舜鼓五絃歌南風之詩而天下治今以單父之細也治之而憂治天下將柰何乎故有術而御之身坐於廟堂之上有處女子之色無害於治無術而御之身雖瘁臞猶未有益韓子

**惜所治小**孔子謂宓子賤曰子治單父衆悅子何施而得之也子語丘所以為之者對曰不齊之治也父恤其子其子卹諸孤而喪喪紀孔子曰善小節也小民附矣猶未足也曰不齊所父事者三人所兄事者五人所交事者十一人孔子曰父事三人可以教孝矣兄事五人可以教悌矣友事十一人可以舉善矣中節也中人附矣猶未足也曰此地民有賢於不齊者五人不齊事之

而稟度焉皆教不齊所以治之道孔子歎曰其大者乃於此乎有矣昔堯舜聽天下務求賢以自輔夫賢者百福之宗也神明之主也惜乎不齊之以所治者小也家語所師者一人足以慮無遺策舉無敗功矣韓子

**收璽請復**西門豹為鄴令清剋繁憲秋毫之端無私利也而其簡左右左右因相與比周而惡之居期年上計君收其璽豹自請曰臣昔者不知所以治鄴今臣得矣願請璽復以治鄴不當請伏斧鑕之罪文侯不忍而復與之豹因重斂百姓急事左右期年上計文侯迎而拜之豹對曰往年臣為君治鄴而君奪臣璽今臣為左右治鄴而君拜臣臣不治矣遂納璽而去文侯不受曰寡

人曩不知子今知矣願子勉為寡人治之遂不受

晏子治東阿事同說死

**積信**西門豹為鄴令倉無積粟府無儲錢兵甲官無蓄會人數言其過於文侯文侯身往行其縣果若人言文侯曰翟黃任子治鄴大亂子能變道則可不能將加誅於子西門豹曰王主富民霸主富武亡國富府庫今君欲為霸者也臣敢為績於民君以臣臣請先登之甲兵粟米可立具也乃登城而鼓之致甲筈操兵弩而出再鼓服捷載粟米而出文侯曰罷之西門豹曰信非一日積也一舉而欺之其後不可復用也燕嘗侵魏八城臣請北擊之以復侵地遂舉兵擊燕復地而後反府

**增秩**昭帝時蒙人焦贛為小黃令路不拾遺囹圄空虛

詔遷贛百姓揮涕守闕求索還贛天子聽增贛之秩于

石貢之風化猶存其民好學多貧此其風也陳留風俗

**蝗不入界**卓茂字子康為密令勞心諄諄視人如子吏

人親愛而不忍欺之數年教化大行道不拾遺平帝時

天下大蝗河南二十餘縣皆被其災獨不入密縣界督

郵言之太守不信自出案行見乃服焉光武初即位先

下詔曰前密令卓茂來身自脩執節淳固誠能為人所

不能為夫名冠天下當受天下重賞今以茂為太僕封

褒德侯後

**恭虎成狸**鍾離意遷東平瑕丘令男子倪直勇悍有力

天中記

三日一飯十斤肉五斗米飯便弓弩飛射走獸百不脫  
一桀悖好犯長吏意到官召署捕盜掾勅謂之云令昔  
嘗破三軍之衆不用尺兵嘗縛暴虎不用尺繩但以良  
計為之爾掾之氣勢安若宜慎之因復召直子涉置門  
下將游徼私出入寺門無所闕白收涉鞭之直走之寺  
門吐氣大言言無上下意勅直能為子屈者自縛謝令  
不則鞭殺其子直果自縛意告曰令前告汝曹縛暴虎  
不用尺繩汝自視何如虎自縛耶勅獄械直父子結連  
其頭對榜之欲死掾吏陳諫乃貸之由是相率為善所  
謂上德之政鷹化為鳩暴虎成狸此之謂也

**贈送萬人**

鍾離意為堂邑令有詔徵公車縣人陳張送

別傳

意到洛陽過潁陽太守問汝君與太守孰賢張曰明府  
之徵邑贈送者萬人男子攀車於路女人號哭於室以  
此觀之殆不及也

**諭寇**

彭循字子陽建武二年海賊下儀等萬人擾吳太

守秋君聞循勇謀以守命循與儀相見陳說利害應時  
俱散民歌之曰時歲倉卒賊縱橫大戟長竿不可當類  
得賢令彭子陽

吳錄

**休遣徒繫**

虞延字子大建武初除細陽令每至其境伏

臘輒休遣徒繫各使歸家並感其恩德應期而還有囚  
於家被病自載詣獄既至而死延率吏掾史瘞于門外  
百姓感悅之

後

**直膏不潤** 孔奮字君魚守姑臧長七年詔書以為奮在姑臧治有絕迹賜爵關內侯奮素孝供養至謹在姑臧唯老母極珍膳妻子飯食葱芥時人笑之或謂奮曰豈脂膏中不能自潤而奮不改其操

東觀記

**政化仁愛** 鮑昱字文泉為此陽長政化仁愛境內清寧邑人趙堅殺人繫獄其父毋詣昱自言年七十餘唯有一子適新娶今繫獄當死長無種類涕泣求哀昱憐其言令將妻入獄解械止宿遂任身有子

上

**雙鳧** 俗說葉令王喬有神術每月朔望常自縣詣臺朝帝怪其來數而不見帝騎密令太史伺望之言其臨至輒有雙鳧從東南飛來於是候鳧至舉羅張之但得一

隻烏焉乃詔上方詠視則四年中所賜尚書官屬復也每當朝時葉門下鼓不擊自鳴聞於京師喬卒百姓乃為立廟號葉君祠牧守每班錄皆先謁拜之吏人祈禱無不如應若有違犯亦立能為祟帝乃迎取其鼓置都亭下畧無復聲焉

風俗通後書

按左傳葉公子高忍于社稷萬民欣戴白公勝作亂于西等劫惠王以兵葉公自葉而入與國人攻白公奔山而縊生烹石乞迎反惠王整肅官司還而老于葉及其終也葉人追思而立祠功施于民以勞定國兼茲二事固祀典之所先也此乃春秋之時何有近孝明國家畏天之威思求謹告故于上西門城上候

望近太史寺令丞躬親靈臺位國之賜俱有得失所  
參之也何有伺一飛鳧遂建其處乎世之矯誣豈一  
事哉風俗通此皆應劭說也范書愛奇遺其通義後人  
擬以為縣令事矯誣抑又甚矣

**軒綏**明帝臨觀見洛陽令車騎意河南尹及至而非先  
其太盛勅去軒綏時偃師長治有能名以事詣臺因取  
賜之下縣遂以為故事漢觀

**安靜**元和二年詔曰安靜之吏悃悃無華日計不足月  
計有餘如襄城令劉万東人同聲謂之不煩雖未有他  
異斯亦殆近之矣

**三英**魯恭字仲康為中牟令政有三英蟲不犯境化及  
鳥獸豎子有仁心河南尹表安美其治以屬屬縣是歲  
嘉禾生恭便坐廷中恭謙不矜功封以言府府即奏上  
尹以檄勞曰君以名德久屈中牟物產之化流行天降  
休瑞應行而生尹甚嘉之續漢

**神筭**王渙字稚子初為河內溫令路不拾遺卧不開門  
民歌之曰王稚子世未有平徭役百姓喜華陽拜洛陽

令以平正居身得寬猛之宜又能以簡數發摘姦伏京  
師稱嘆以為有神筭後書元興元年卒百姓痛哭二縣吊

祭行人商旅莫不祭之賈胡左威遭其瘡理制履三年  
洛陽弦歌之為立祠天子悼惜每下詔書德令必賜後  
嗣志延熹中桓帝事黃老道悉毀諸祠祀唯特詔洛陽

存故太傅卓茂廟洛陽留王渙祠焉

**號時明宰**羅衡字仲伯為不韋茂陵令治化浹洽徒西

城閭中令號時明宰衡為萬年令路不拾遺人家牛馬

皆繫道邊曰屬羅公三府爭辟拜廣漢長二縣皆為立

祠華陽志

**縣有明君**閻憲字孟度為綿竹令以禮讓為化民莫敢

犯男子杜成夜行得遺物一囊中布錦二十五疋求其

主還之曰縣有明君何敢負其化童謡歌曰閻尹賦政

既明且昶去苛去辟動以禮讓遷屬郡民泣涕送之以

千數上

**摩耳斷獄**方儲字聖明為洛陽令功曹竇憲客為憲所

諷夜殺人斷頭着奩中置廐門下欲令儲去官儲摩死

者耳邊問誰所殺有頃曰死人言為功曹所殺收功曹

拷竟具服謝承書

**治匪致祥**建寧中李翕為沔池令治散歛之道有黃龍

白鹿之瑞其後守武都又有嘉禾并露木連理之祥人

皆圖畫其像刻石翕於之西狹頌側

**運穀乞還**繁陽令楊君富波相牧之子震孫也遭收父

太尉秉亮委榮輕舉吏民攀轅守關上書運穀萬斛助

官賑貧以乞君還集古錄

**長大勤學**袁遺字伯業紹從兄為長安令河間張超嘗

為遺於太尉朱雋稱遺有冠世之懿幹時之量其志之



亮直固天所縱若乃包羅輦管綜百氏登高能賦視物  
知名求之今日邈焉靡儔起曹公稱長大而能勤學者  
惟吾與袁伯業耳英雄記

**三河表** 胡紹為河內懷令三日一視事十日一詣倉受  
俸米於閣外炊作乾飯食之不設釜竈得一強盜問其

黨與得數百人皆誅之政教清平為三河表續漢書

**諸城首** 呂義字季陽遷新都綿竹令乃心隱恤百姓稱  
之為一州諸城之首蜀志

**無雙** 徐弘字聖通為山陰令縣俗剛強大姓兼并弘到  
官誅剪姦桀豪右斂手商旅路宿道不拾遺童歌之曰

徐聖通政無雙平刑罰茲充空會稽

**惟寤得奸** 何祗字君肅補成都令時郫縣令缺以祗兼

二縣二縣戶口很多切近都治饒諸奸穢每比人常眠

睡值其覺寤輒得奸詐衆咸畏祗之發摘或以為有術

無敢欺者使人投筭祗聽其讀而心計之不差并合蜀志

**褒美樹碑** 荀藐除太原榆次令為政以德人懷之時有

鳳凰集其境內晉武帝下詔褒美太始三年卒吏人如

喪親戚為之樹碑其序曰仰之如日月敬之如神明愛

之如父母樂之如時雨家傳

就之以下序辭也合璧類聚以為詔詞誤

**三米折腰** 陶潛為彭澤令郡遣督郵至縣吏白應束帶

見之歎曰吾不能為五斗米折腰向鄉里小人即解印

授去縣本傳晉書陶潛傳云潛少懷高尚博學善屬文嘗

作五柳先生傳以目况先生不知何許人不詳姓字

宅邊有五柳樹因以為號焉宋書即非彭澤令時所

一燕人多於縣令亭中使五誤也白氏六帖縣令門

一燕五柳亦誤南齊書菁華引木傳令下加門種五柳更

誤 記纂事  
文俱同

煮桃人萬亮為永康令嚴人憚之乃以桃木刻作亮

身燒柴煮湯火熾桃人自西跳去吳苑

落落有才前秦徐嵩為長安令貴戚子弟犯法者嵩一

皆考竟請託路絕符堅甚奇之謂其叔父咸云為長吏

故當應爾此年少落落有端貳之才十六國春秋

宋世三人北地傳僧魏川張祐並以吏才

知僧祐再為山陰今甚有能名宋世令長莫及現為

吳令善發姦伏境內以為神明祐歷臨安武康錢塘令

並著能名宋世言長吏者以三人為首宋書王敬

三世山陰山陰東土六縣難為長官僧祐在縣有稱

子琰為武康令遷山陰令尤明察又著名二縣皆謂之

傳聖父子並著奇績宋書云僧祐有治縣譜子孫相傳不

以示人時劉玄胡亦有吏能歷山陰令政常為天下第

一琰子翹代玄明為山陰劉玄胡答曰我有奇術卿家

譜所不載臨別當相示既曰休矣宋書一亦飯而

莫飲酒此第一策也齊書南史

疑滯就決 蕭景字子昭齊建武中為朱寧令政為  
最永嘉太守范述曾子郡號稱廉平雖景為政乃  
郡門曰諸縣有疑者皆可就寧令決

**門榜父首** 江介為吳令其父謚為長沙太守史蓋執法

刻僧道道人與謚情款隨謚益郡犯小事俄繫郡獄僧

遵裂三衣食之既盡而死為有司所奏介治亦深切民

間榜死人觸骸為謚首介棄官而去齊南史僧遵道下

人字作又字下又云遵道通志因之似誤

**中丞分路** 元志為洛陽令不畏強禦與御史中尉李彪

爭路俱入見孝文令分路而行及出與彪折尺量道各

取其半帝謂邢巒曰此兇竟可所謂王孫公子不鏹自

彫巒曰露竹霜修故多動巒則鳳其在木枝也

**兩縣求懷** 魏德深遷貴鄉長為政清淨不嚴而肅恒為

諸縣之取尋轉館陶長貴鄉吏民間之相與言及其事

皆歔歔流涕語不成聲及將赴任傾城送之號泣之聲

道路不絕既至館陶闔境老幼皆如見其父母貴鄉父

老詣闕請留德深有詔許之貴鄉吏民號呼滿道互相

稱慶館陶衆庶令境悲泣因從而居住者數百家後真

賊戰沒於陣貴鄉館陶人庶至今懷之

**政在養人** 賈敦實咸亨初為洛州長史時洛陽令楊德

幹杖殺人吏以立威名敦實曰政在養人義須存撫傷

生過多雖能亦不足貴也常抑止德幹德幹亦為之

天中紀

咸  
唐

**童幼犒餞** 帝景駿神龍中為肥鄉令縣界漳水連年旱  
溢景駿審其地勢增築堤防遂無水患開元中為襄陽  
令遷趙州長史路由肥鄉人吏驚喜競來犒餞留連彌  
日有童幼數人年甫十歲亦在其中景駿謂之曰計吾  
比去此時汝輩未生既無舊恩何慙慙之甚也咸對曰  
比聞長宿傳說縣中解宇學堂館舍堤橋並是明公遺  
跡將謂古人不意得瞻覩不覺欣戀倍於常也新語  
**拽出宦宦** 李朝隱為長安令有宦官閻興貴詣縣請託  
朝隱命拽出之睿宗聞而嘉歎乃下制曰李朝隱德義  
不回清強自遂而宦入縣有乖儀式遂能責之以禮繩

之以愆昔虞延持皇后之客梅陶鞭太子之傳古稱  
直復見于今宜加一階用表剛烈

**禽擁行車** 李元紘開元初為好時令賦役平允不嚴而  
治大有政聲遷潤州司馬發離百里士民避位遮路為  
鵲之類飛擁行車有詔褒美之問天遺事

**縣妖破膽** 李杲為洛陽令嚴毅公正縣務清簡有進士  
劉兼過其境外聞戶外相語聲曰李令令古正人也見  
其行事令人破膽可於也邑求血食也無容問視之寂  
無影響方知乃邑之妖神也兼遂書奏一書於時即之  
壁云狡吏畏威縣妖破膽好無政聲聞於帝覽後明皇  
旌其能賜金百兩及章服焉

擒捕王奴崔皎為長安令邠王守禮部曲共擊盜為承  
前以上長兄不敢按問奴輩愈甚府縣莫敢言者皎設  
法擒捕群奴潛匿王家皎命就擒之王懼蓋益殺懸於  
街樹境內肅然出為懷州刺史歷任內外咸有聲稱  
**三柳**虞城宰公李錫字元勳官宅舊井水清而味苦公  
下車嘗之莞爾而笑曰我苦且清足以符吾志也遂汲  
不改變為甘泉蠡丘館東有三柳焉公往來憇之飲水  
則去行路勿剪比于井棠李集此白為錫去思頌碑也事

文作白為虞城令說

**改名**路嗣恭始名劼客歷仕郡縣有能名後授神烏令  
考績上上為天下最玄宗以其能嗣魯恭賜改其名唐

**攝邑**歆政滕遂貞元末為長州令攝吳縣時人歌曰朝  
判長洲暮判吳道不拾遺人不孤人謂有漢叔輔之遺

風譜

**書名**殿柱宣宗獵苑北見樵者數人因留與諱涇陽百  
姓因問邑宰為誰曰李行言為政何如曰性執滯有奴  
賊五六人匿軍家取來直不肯與盡故之上還宮書其  
名帖於殿柱上後二年行言領海州中謝上曰曾宰涇  
陽否對在涇陽二年上曰賜金紫再謝上曰卿知者素  
來由否對曰不知上命取殿柱帖示之

**鐵缸渡海**閩賈郁性峭直不容人吏文過時為仙遊令

王氏初霸閩越郡邑之政皆自賄成郁獨守正奉法吏

頗畏之及受代有一吏酤酒郁怒曰吾當再典此邑以  
懲汝輩吏揚言公欲再作縣令猶造鐵缸渡海也郁聞  
之是歲選集會鈞建號聞郁有治稱乃擢授贊善大夫  
復典舊邑時醉吏為庫吏不數月盜官錢數萬下獄具  
伏郁批前牘尾曰竊銅鐵以潤家非因鼓鑄造鐵缸而  
渡海不假鑪錘因决杖徙之胥皆攝伏未幾移治福清  
考滿召為御史中丞九國志

**支錢輸絹**王絲字敦素越之蕭山人景祐初為縣令會  
歲歉絲每家支錢一千以濟之期以明年夏輸絹一匹  
邑人大受其惠稱為德政繇此當路薦之蓋是時一織  
售價不逾其數爾見布利公當國敕其法施之天下既

和買久之本錢既不復俵且有折帛之害

**勒巫為農**陳希亮字公弼知鄆縣有巫覡歲斂民財祭  
鬼謂之春齋否則有火災民訛言有緋衣三老人行火  
希亮禁之民不敢犯火亦不作毀淫祠數百區勒巫為  
農者七十餘家及罷去父老送之出境泣曰公去我緋  
衣老人復出矣宋史

**清水平衡**葉康直字景溫知光化縣縣多竹民皆編為  
屋康直教用淘瓦以寧火患凡政皆務以利民時豐稔  
為穀城令亦以治績頌人歌之曰景光化豐稔誠清如  
水平如衡上

**十奇**嘉祐中京西轉運使陳希亮奏採河清縣信道造

士等狀奏舉留知縣著作郎王元規再任事本司謹  
得本官到任軍民歌詠有十奇第一奇民吏不識知縣  
兒第二奇搦却曹司舊肚皮第三奇買物價例不重  
第四奇處斷明白盡絕私第五奇街裏不見兒頑兒第  
六奇蝗虫不入境內飛第七奇不敢賭錢怕官知第八  
奇不孝不仁不敢為第九奇鄉村不被公人欺第十奇  
百姓納稅不勾追如此之類甚得民情上令審官院上  
簿記其姓名

分紀

三惠於穆君侯英才宣明斷決疑易於指掌野有寇  
盜惟侯屏之我有田疇惟侯闢之古人慎獄惟侯平之  
凡此三惠如何勿思

晉孫楚原  
令孫侯願

碧巾示辱李封為延陵令吏人有罪不加杖罰但令暴  
碧頭巾士辱之隨所犯輕重以日數為等級日滿乃釋  
著此服出入州鄉以為大恥皆相勸勵無取借為賦稅  
常先諸縣去官竟不搖一人

封氏  
見明

縣丞

長史縣皆有丞尉是為長史

漢表

隋唐縣丞為副貳通判

縣事

通典

丞署文書典知倉獄

百官志

王刑獄

詔捕淮南太子淮南相怒壽春丞留太子建不

遣

史記

丞主刑獄囚徒故責之

注

詳

張玄字君夏遷陳倉縣丞清淨無欲專心經書初

為丞嘗以職事對府不知官曹處吏白門下責之時扶

風徐業亦大儒也聞玄諸生試引見之與語大驚曰今日相遭真解蒙矣遂請上堂難問極日後漢

**歷佐三縣**孫堅字文臺除堅鹽瀆丞徙盱眙丞又徙下

邳丞堅歷佐三縣所在有稱吏民親附鄉里知舊好事少年往來者常數百人堅接撫待養有若子弟焉江表傳

**今日歸種**唐臨為萬泉丞縣有輕囚十數人會春暮時

兩臨白令請出之令不許臨曰明公若有所疑臨請自

當其罪令因請假臨召囚悉令歸家耕種與之約令歸

繫所囚等皆感恩貸至時畢集詣獄臨由是知名舊唐書

**酌水而祭**王義方坐與張亮交通貶為詹州吉安丞行

至海南舟人將以酒脯致祭義方曰黍稷非馨義在明

德酌水而祭特當盛夏風濤蒸毒既而開霽南渡吉安

蠻俗荒梗義方召諸首領集生徒親為講經行釋奠禮

清歌吹簫登降有序蠻酋大喜上

**真清**陸景倩為扶溝丞河南按察使畢構覆州縣殿最

欲必得實有吏言狀曰某疆清某亦清惟景倩曰真清

終監察御史新

**張松**崔斯立元和中以大理評事得免職官尋得置田

縣丞庭有老槐四行南牆鉅竹千挺儼立若相持水流

澗循除鳴斯立痛掃既對樹三松日羨其間有問者

對曰余方有公事子姑去上

**裴子羽**為下邳令張疇為縣丞二人俱有聲氣而

...



善言語曾論事移時吏人竊相謂曰縣官甚不和長官  
稱兩贊府即道晴贊府稱晴長官即道雨終日如此非  
不和乎封

**占氣**九千里之丹鳳自下升高七十日之黃龍從微至

著張鷟宋玉曰鳳凰上擊九千里翱翔乎窈冥之上藩

籬之鷄豈得料其高哉士亦然矣相書占氣要曰日中  
有黃氣如龍七十日遷五丞也

主簿

**關平**諸事常昭云主簿者主諸簿書也關平云簿晉也

諸事也簿書必有長者錄之釋主簿上轄通

職司符印王掌簿書

**忠臣**西部都尉宰龜行吳郡太守事以微過收吳縣獄

吏將殺之主簿鍾離意爭諫甚切龜怒使收縛意欲案

之掾吏莫敢諫彭脩排闥入拜於亮曰明府發雷霆於

主簿請聞其過龜曰受教三日初不奉行廢命不忠豈

非過邪脩因拜曰昔任座面折文侯朱雲攀髮闕檻自

非賢君焉得忠臣今慶明府為賢君主簿為忠臣龜遂

原意罰賞獄吏罪舊蘇

**樓棘**仇香字季和為書生性謙恭勤恪威儀矜整貌不

為晝夜易容言不為喜怒變聲雖儕輩群居必正色後

言終身無泄狎之交以是見憚學通三經然無知名之

援鄉里之舉年四十召為縣主簿蘇林竟字季智一

天中記

名香初為蕭亭長有陳元者毋告其子不孝竟為陳慈  
孝之道卒成孝子焉鄉邑為之諺曰父母何在在我處  
化我鳴臬哺所生時考城令河內王渙政尚嚴猛聞覽  
以德化人署為主簿謂覽曰主簿聞陳元之過不罪而  
化之得無少鷹鷂之志邪覽曰以為鷹鷂不若鸞鳳渙  
謝遣曰枳棘非鸞鳳所棲百里豈大賢之路今日太學  
曳長裾飛名譽皆主簿後耳以一月奉為資勉卒景行  
後漢萬花谷云他時論道巖廊非主簿而誰引本傳誤

**焚燒衣幘**李宣之子名表宋公令寇端召表為主簿表  
不樂為吏於寺門中焚燒衣幘端怒收表欲殺之陳仲  
舉聞之至宋公欲請表先過宣宣問何故來曰欲見寇

令請足下兒宣曰吾子犯罪罪當死如有白君豈妄殺

人宜此還端追問仲舉仲舉具以語之端乃歎曰李宣

烈士也即原之

汝南先賢傳

**虎不為害**顧少連補益封主簿邑有虎孽民患之少連

命塞陷穿移文獄神虎不為害

**謝避大駕**蘇弁為奉天主簿朱此之亂德宗倉卒出幸

縣令杜正元上府計事聞大駕至官吏惶恐皆欲奔竄

山谷弁諭之曰君上避狄臣下當伏難死節者前宗幸

靈武至新平安定二太守皆潛遁帝命斬之以殉諸君

知其事乎衆心乃安及車駕至迎扈儲時無異德宗嘉

之就加試大理司直

上

**開官**大中四年勅曰州有上佐縣有丞簿俗謂開官不領公事殊乖制作之本意續通典

**建儲之職**王建儲蜀李景上封事以為眉山主簿外史旌其忠盡之心委以鬚鬚之職樞枕記纂云白集云

**三傑**朱光庭調萬年主簿稱為明鏡時程伯淳主都縣簿張山甫主武功簿皆以才名稱關中號為三傑淵源

尉

**仙尉**梅福字子真為南昌尉後去官歸壽春王莽顛政福一朝棄妻子去九江至今傳以為仙漢書

**香尉**漢雍仲子進南海香物拜為洛陽尉時謂之香尉

記

**迎尉擲楯**逢萌字子慶家貧給事縣為亭長時尉行過亭前候迎拜謁既而擲楯歎曰大丈夫安能為人役哉遂去之後漢

**舞不動手**商則任廩兵尉為性廉謹縣令丞多貪濁因宴會次第舞令丞舞訖勸則則把手回身而已令問其

故則曰長官動手贊府亦動手唯有一箇更動手百姓何容活耶人皆大笑朝白令丞但動手縣尉亦回身因

舞為刺史得與屬貧之續

**應對如神**盧莊道年十六獲長安尉太宗將錄囚徒京

宰以莊道幼年懼不舉欲以他尉代之莊道不從但聞暇不之省也時繫囚四百餘人令丞深以為虞翌日太

宗召囚莊道乃徐書狀以進引諸囚入莊道評其輕重  
留繫日月應對如神太宗驚歎唐新語

**開倉賑**負負半千上元初授武陟尉屬頻歲旱飢勸

令殷子良開倉以賑貧餒子良不從會子良州半千

便發倉粟以給飢人刺史郭齊宗大驚因而按之時薛

元起為存撫使謂齊宗曰公之百姓不能救之而使惠  
歸一尉豈不愧耶遽令釋之舊唐書

**辭黃蓮**朱履霜好學明法理則天朝補山陰尉巡察使

必委以推察故人或遺以數兩黃蓮固辭不受曰不辭

受此歸恐毋妻詰問從何而得不知所以對也後為姑  
笈令威化行于浙西著憲問五卷撮刑獄之機要新語

**立身矮屋**進士張象授華陰尉特縣令太守俱非其人

多行不法張生有吏道勤於政每申舉一事則太守令

尹抑而不從張生曰大丈夫有凌霄蓋世之志而拘於

下位若立身於矮屋中使人擡頭不得遂拂歸遊於嵩  
山天寶遺事

**細杖空手**嚴安之崔譚俱為赤尉力行益政譚忍安之

名出已右每事欲先之安之使五伯執大杖引前譚則

益寵其杖安之越益譚亦轉益之如此大如椽力不能

舉安之遂令執小杖譚亦益細其杖安之越細譚亦轉  
細之如此至杖大如筋不能用安之患其歷已遂都去

其杖使五伯空手而行譚果不能學尉氏

擒奸摘伏 李勉字玄卿授開封尉得昇平日父且汴州  
水陸所湊邑居龐雜號為難理勉與尉盧成凱等至  
有擒奸摘伏之名 舊

**作集類** 劉綺在毘陵人唐崑山尉研窮今古博者傳  
作集類百卷行於世名崑山編 中吳紀聞

**少公** 唐人呼縣令為明府丞為贊府尉為少府李白有  
錢陽曲王贊公賈少公石艾尹少公序蓋陽曲丞尉石

艾尉也 隋筆

**少府** 李白贈瑕丘王少府別西河劉少府贈秋浦柳少  
府杜甫貽華陽柳少府當是唐時縣尉多稱少府也 要類

**少仙** 杜詩有野望因過堂少仙一篇落盡高天日幽人

未遣還蜀士注曰少仙應是言縣尉也縣尉謂之少府

而梅福為尉有神仙之稱二字與俗呼仙尉不侔矣 四筆

**誤稱姜里** 大曆中湯陰有一尉姓張與數人同行過姜

里城或問是何城張尉曰此是郭令公園相州所築或

曰此姜里城紂囚文王之處何關郭令公葉張尉曰某

比在河南不知文王與紂特只將謂令公所築也 殊為

**鑑中影** 劉炎少負詩學晚為求新尉拙於政治道存會

名太守行邑有覬覦之意而炎不悟既行以詩訊炎云

未到桃源時長憶出家景及到桃源了還似鑑中影

乃和而復之后因民訴受賄遂按以法炎復有詩云

知太守如狼虎獵取膏梁以餽之 詩

王福今人號縣令為字民簿為仇覽尉為梅福有五虎  
者頑鄙為尉氏尉呼令為薛家或譖之曰君知字覽之  
義乎縣令必須識字故謂之字簿與令同覽詞狀者也  
故謂之覽仇曰然則尉何以為梅福曰職任雖繁一  
有福人也如足下可謂王福矣仇嘗為富家主藏故以  
此譏之

覽

論界化石 澧陽縣西百三十里澧水之南岸有白石雙

立狀類人形相傳昔有充縣左尉與零陵尉共論疆界  
因相傷害化為此石即以為二縣界首東標零陵西揭  
充縣充縣廢省今臨澧縣則其地也

荆州  
圖

天中記三十四卷終



